




卷三百七之三
物異

伊4
1046
85





特
74
1046
85

文獻通考卷之三百七

鄴陽 馬

端臨

貴與

物異考

雷震

成王時秋大熟未獲天大雷電以風禾盡偃大木斯拔邦人大恐

秦始皇五年冬雷

漢惠帝五年冬十月雷

景帝六年冬十二月雷霖雨

昭帝元鳳五年十一月大雷

王莽始建國二年十二月雷

後漢光武建武七年遼東冬雷草木實

和帝元興元年冬十一月壬午郡國四冬雷時皇子數不遂皆隱

利
289
85

東

文獻通考卷之三百七 物異考

之民間是歲宮車晏駕殤帝生百餘日立以為君帝兄平原王有疾不立卒皆失無嗣

殤帝延平元年九月乙亥陳留雷有石道地四

安帝永初六年十月丙戌郡六冬雷京房占曰天冬雷地必震又曰雷以十一月

起黃鍾二月大聲八月闔藏以春夏殺無辜不須冬刑致災藝
盡出行不救之則冬溫風以其來年疾病其故也率幼孤振不足
議獄刑罰罰災則消矣
古今注曰
明帝永平七年十月丙子越雋雷

七年十月戊子郡國三冬雷元初元年十月癸巳郡國三冬雷三

年十月辛亥汝南樂浪冬雷四年十月辛酉郡國五冬雷六年十

月丙子郡國五冬雷永寧元年十月郡國七冬雷建光元年十月

郡國七冬雷延光四年郡國十九冬雷是時太后攝政上無所與

太后既崩阿母王聖及皇后兄閭顯兄弟更秉威權上遂不親萬

機從容寬仁任臣下古今注曰順帝永和四年四月戊

帝建和三年六月乙卯雷震憲陵寢屋先是梁太后聽兄冀枉

殺李固杜喬

靈帝熹平六年冬十月東萊冬雷中平四年十二月晦雨水大雷

電雹

獻帝初平三年五月丙申無雲而雷四年五月癸酉無雲而雷

魏明帝景初中洛陽城東橋城西洛水浮橋桓楹同日三處俱時

震尋又震西城上候風木飛鳥時勞役大起帝尋晏駕

吳孫權赤烏八年夏震宮門柱又擊南津大橋桓楹

孫亮建興元年十二月朔大風震電是月又雷雨義同前說亮

終廢

晉武帝太康六年十二月甲申朔淮南郡震電

七年十二月己亥毗陵雷電南沙司鹽都尉戴亮以聞

物異考

十年十二月癸卯廬江建安雷電大雨

惠帝永康元年六月癸卯震崇陽陵標西南五百步標破為七十片是時賈后陷害鼎輔寵樹私戚與**漢桓帝**時震憲陵寢同事也后終誅滅

永興二年十月丁丑雷震

懷帝永嘉四年十月震電

愍帝建興元年十一月戊辰會稽大雨震電巳巳夜赤氣曜於西北是夕大雨震電庚午大雪按劉向說雷以二月出八月入今此月震電者陽不閉藏也既發泄而明日便大雪皆失節之異也是時劉淵僭號平陽李雄稱制於蜀九州幅裂西京孤微為君失時之象也赤氣赤祥也

元帝大興元年十一月乙卯暴雨雷電

永昌二年七月景子朔雷震太極殿柱 十二月會稽吳郡雷震電

成帝咸和元年十月巳巳會稽郡大雨震電

三年六月辛卯臨海大雷破郡府內小屋柱十枚殺入九月二日壬午立**冬**會稽雷電

四年十一月吳郡會稽又震電

穆帝永和七年十月壬午雷兩震電

并平元年十一月庚戌雷乙丑又雷

五年十月庚午雷發東南方

孝武帝太元五年六月甲寅雷震舍章殿四柱并殺內侍二人

十年十二月雷聲在南方

十四年七月甲寅雷震燒宣陽門西柱

安帝隆安二年九月壬辰雷雨

元興三年永安皇后至自巴陵將設儀導入宮天雷震人馬各一

俱殪反計馬

義熙四年十一月辛卯朔西北方疾風發癸丑雷六月景寅雷震

一廟破東鵠尾徹柱又震太子西池合堂是時帝不親蒸嘗故天

震之明簡宗廟也西池是明帝為太子時所造次故號太子池及

安帝多病患無嗣故天震之明無後也

六年正月景寅雷又雪十二月壬辰大雷

九年十一月甲戌雷乙亥又雷

陳宣帝大建元年七月大雨震萬安陵華表又震慧日寺刹瓦官

寺重閣門下一女子震死京房易飛猴曰雷雨霹靂立陵者逆先

人令為火殺人者人君用讒言殺正人侍察景歷以奸邪任用右

僕射陸績以讒毀獲譴發病而死

十年三月震武庫時帝好兵頗年北伐內外虛竭將士勞弊既瓦

淮南又進圖彭沐毛喜切諫不納由是吳明徹諸軍皆沒遂失淮

南之地武庫者兵器之所聚也而震之天戒若曰宜戒兵以安百

姓帝不悟又大興軍旅其年六月又震太皇寺刹柱嚴寺露槃重

陽閣東樓鴻臚府門太皇莊嚴二寺陳國奉佛之所重陽閣每所

遊宴鴻臚賓客禮義之所在而同歲震者天戒若曰國威已喪不

務脩德後必有侍佛道耽宴樂棄禮儀而亡國者陳之君臣竟不

悟至後主之代災異屢起懼而於太皇寺捨身為奴以祈冥助不

恤國政耽酒色棄禮法不脩隣好以取敗亡

後齊武平元年夏震丞相段孝先南門柱京房易傳曰震及貴臣

門及羣者不出三年佞臣被誅後歲和士開被戮

唐貞觀十一年四月甲子震乾元殿前槐樹震耀天之威怒以衆
殿斃槐古者三公所樹也

證聖元年正月丁酉雷雷者陽聲出非其時臣竊君柄之象
長安四年五月丁亥震雷大風拔木人有震死者

延和元年六月淮南偃師縣李村村有震電入民家地震裂闊丈
餘長十五里深不可測所裂處井則相通或衝冢墓柩出平地無
損李國姓也震電威刑之象地陰類也

永泰元年二月甲子夜震霆自是無雷至六月甲申乃雷
大曆十年四月甲申雷電暴風拔木飄瓦人有震死者京畿害稼
者七縣

建中元年九月巳知雷

四年四月丙子東都畿汝節度使哥舒曜攻李希烈進軍至頽橋

大雨震電人不能言者十三四馬驢多死

貞元十四年五月巳酉夏至始雷

元和十一年冬雷長慶二年六月乙丑大風震電落太廟鴟尾破

御史臺樹

太和八年七月辛酉定陵臺大雨震廡下地裂二十有六步占曰
士庶分離大臣專恣不救大敗

會昌三年五月甲午始雷

咸通四年十二月震雷

乾符三年十二月震雷雨電

乾寧四年李茂貞遣將符道昭攻成都至廣漢震雷有石墮于帳
前

宋建隆四年四月癸巳宿州日無兩雷霆暴作軍校倬韜震死是

夜半風雷起于京師開封縣署役夫劉延嗣萬進震死頃之進復

蘇言有煙焰自牖入室因駭廢徧體焦灼

乾德二年正月辛巳雷聲起京師西南東行有電五月戊戌大名府大雨雷震焚橐駝

四年七月海州雷震長吏廳土木多圯傷刺史梁晉起

開寶七年六月易州雷震死耀光軍士八人

八年八月邛州延貴鎮震死民費貴及其四子

太平興國二年七月瀛州景城縣震死牛商馮人端拱二年八月興化軍民劉政震死有文在胷中曰大不孝九月丙子夜半雷聲起京師西北

淳化三年七月泗州大風雨震僧伽塔柱

至道元年三月甲戌京師雷未發聲召司天監丞趙昭益問之云

撥占雷不發聲寬政之應也 七月泗州大風雨雷震僧伽塔五壞鐘樓

咸平元年正月戊寅京師西北有雷電十一月瀛州順安軍並東北有雷

三年十月黃州西北雷聲如盛夏時十一月真定府東南雷

四年十月乙巳京師西南雷電閏十二月大名府電

五年九月辛亥京師雷

六年十一月申午京師暴雷震司天言國家發號布德未及黎庶時議改元肆赦詔宰相增廣條目采民病悉除之

景德三年九月丙寅夕京師大震電

大日祥符元年正月癸未京師西北雷

五年十二月己巳京師西北雷電

九年五月殿侍張信奉南海祝版乘驛至唐州震死

大觀三年十月戊子大雷電而雨

紹興五年十月丁巳雷

六年十月丙午雷

九年十月丁卯雷

十一年十一月己酉雷

十五年十月辛卯雷二月甲寅雷

十六年温州大雷電龍翔寺震死者六人 十九年十月甲寅雷

二十一年二月辛未南安軍大雷電大庾縣治震死者四人

十一月辛未夜震雷 十二月癸酉雷

二十二年十二月戊寅巳卯雷

二十六年十二月甲子雷

乾道二年十一月戊辰日南至大震雷葉顯魏祀

七年正月丙戌雷自是迄夏無雷

淳熙十二年十一月戊午雷 十二月丁丑雷

十三年正月雷後三十五日有雪

十四年十一月冬雷

十六年七月大雷震太廟齋殿

紹熙二年正月雷雪

三年正月庚戌朔雷

四年十一月巳卯日南至辛巳雷

五年十月大雷震

慶元元年春無雷

開禧三年十月辛未雷

三年十月雷

嘉定三年十月雷

五年七月雷雨震太廟之鳩吻十月冬雷

六年閏九月雷電

十年正月朔雷

十一年九月辛巳明堂禮成肆赦雷電

十四年十六年俱冬雷

物自鳴

即五行志所謂鼓妖也無形有聲無雲而雷謂之鼓妖今所載凡不當鳴而鳴者皆入焉

左傳僖公三十二年十二月己卯晉文公卒庚辰將殯于曲妖出絳柩有聲如牛劉向以為近鼓妖也喪凶事聲如牛怒象也將有

急怒之謀以生兵革之禍時秦繆公遣兵襲鄭置嬰之峭院以攻其師晉不惟舊而聽詹謀結怨疆國四被秦寇禍流數世凶惡之効也

周考王十三年晉無雲而雷

威烈王三年十一月晉有火下于北方其聲如聲

秦二世元年天無雲而雷劉向以為雷當託於雲猶君託於臣陰陽之合也二世不恤天下民怨叛是歲陳勝起趙高作亂秦遂亡一曰易震為雷為顛不恭也

漢成帝元延元年四月丁酉無雲而有雷聲光耀耀四面下至地止

哀帝建平二年四月乙亥朔御史大夫朱博為丞相少府趙玄為御史大夫臨延登受策有大聲如鍾鳴師古曰延入而登殿也漢舊儀云丞相御史大夫初

拜皇帝廷殿中郎吏陞者皆聞焉師古曰陞皆謂上以問黃門侍

郎楊雄李尋對曰洪範所謂鼓妖者也師法以為人君不聰為

眾所惑空名得進則有聲無形不知所從生其傳曰歲月日之中

則正卿受之今以四月日加辰巳有異是為中焉正卿謂執政大

臣也宜退丞相御史以應天變然雖不退不出期年其人自蒙其

咎師古曰期年十二月也蒙猶被也期音基楊雄亦以為鼓妖聽失之象也朱博為人

彊毅多權謀宜將不宜將不宜相恐有凶惡亟疾之怒師古曰亟

力八月博玄坐為奸謀博自殺玄減死論京房易傳曰令不修本

下不安金母故自動若有音

元壽元年九月孝元廟殿門銅龜蛇鋪首鳴如淳曰門鋪首依龜

王莽天鳳三年十月戊辰王路朱鳥門鳴晝夜不絕崔發等曰

帝關四門建四聰門鳴者明當修先聖之禮招四方之士也於是

令群臣皆質所舉四行從朱鳥門入而對策焉

後漢獻帝建安七八年中長沙醴陵有泰山常大鳥如牛响聲積

數年後豫章賊攻沒醴陵縣殺掠吏民

晉惠帝元康九年三月有聲若牛出許昌城十二月廢愍懷太子

幽于許宮明年賈后遣黃門孫慮殺太子擊以藥杵聲聞于外是

其應也 蘇峻在歷陽外營將軍鼓自鳴如人弄鼓者峻手自破

之曰我鄉土時有此則城空矣俄而作亂夷滅此聽不聰之罰也

石季龍末洛陽城西此九里石牛在青石跌南于上忽鳴聲聞四

十里季龍遣人打落兩耳及尾鐵釘釘上音丁下四脚尋而季龍

死

孝武大元十五年三月己酉朔東北方有聲如雷按劉向說以為

雷當託於雲猶君託於臣無雲而雷此君不恤於下下人將叛之象也及帝崩而天下漸亂孫恩桓玄交陵京邑 吳興長城夏祭山有石鼓長丈餘面徑三尺折下有盤石為足鳴則聲如金鼓三吳有兵至 安帝隆安中大鳴後有孫恩之亂

齊武帝永明十一年七月上不豫徙御延昌殿始登階而殿屋鳴此上惡之至八月崩

梁武帝天監四年十一月天清朔西南有電光有雷聲二洪範五行傳曰雷霆託於雲猶君託於人也君不恤天下故人怨叛是歲交州刺史李凱反

十九年九月西北隱隱有聲如雷赤氣下至地是歲盜殺東莞琅邪二郡守以胸山引魏軍

中大通六年十二月西南有聲如雷其年北梁州刺史蘭欽舉兵

反

陳軍帝太建二年十二月西北有聲如雷其年湘州刺史華皎舉兵反

齊文宣天保四年四月西南有聲如雷時帝不恤天下興師旅

後周武帝建德六年正月西方有聲如雷未幾吐谷渾寇邊

隋文帝開皇十四年正月旦鄜州連雲山有聲如雷時五羗反叛侵邊

二十年無雲而雷京房易飛候曰國將易君下人不靜小人先命國凶有兵甲後數歲帝崩漢王諒舉兵反是年十一月京都大風地大震鼓皆應淨刹寺鐘三鳴佛殿門鎖自開銅像自出戶外鐘鼓自鳴者近鼓妖也楊雄以為人君不聰為衆所惑空言得進則鼓妖見時獨孤后干政楊素權傾人主帝聽二人之說黜高頴廢

太子夏晉王鈞虛名而見立

大業中滏陽石鼓頻歲鳴其後天下大亂兵戎並起

唐武德二年三月太行山聖人崖有聲占曰有寇至

三年二月丁丑京師西南有聲如崩山近鼓妖說者以為人君不
聰為衆所惑則有聲無形不知所從生

天授元年九月檢校內史宗秦客拜日無雲而雷震近鼓妖也

開元二十八年六月吐蕃圍安戎城斷水路城東山鳴石拆湧泉

二

貞元十三年六月丙寅天晦街鼓不鳴

中祚二年十月西北方無雲而雷

天復三年十月甲午有大聲出於宣武節度使廳事近鼓妖也

後唐同光三年九月丁未夜徧大陰雲北方有聲如雷維皆雜俗

呼曰天狗墜

宋紹興七年五月汴京無雲而雷是歲為齊亡

三十年十月庚戌晝漏半無雲而雷癸亥日過中無雲而雷

淳熙十四年六月甲申昧爽上將禱雨太一宮乘輿未駕有大聲

發自內及于和寧門人馬辟易相踐籍有失巾履者近鼓妖也

紹熙二年温州瑞安縣感應侯廟鼓自鳴後曰邑有巨寇昇鼓去

先是鼓上有書曰鼓響盜長鼓壞盜敗寇果以旬日就俘與晉志

隆安右鼓鳴孫恩同占

物自動

即五行志所謂木沴金也志中惟載金石自動今所載凡
非動物而自動者皆入焉

周威烈王二十三年九鼎震金震木動之也時周室衰微號令不

從以亂金氣鼎者宗廟之寶器宗廟將遷故震動也是歲晉三卿
魏分晉地王命以為諸侯其後秦遂滅周而取九鼎九鼎之
震木沴金失衆甚

漢成帝元延元年正月長安章城門門牡自亡

晉灼曰西出南頭第一門也牡是出

也亦以鐵為之非出籥也京房易傳曰饑而不損茲謂泰厥災

木厥咎牡亡妖辭曰關動牡飛辟為亡道臣為非厥咎亂臣謀篡

易妖傳故谷末對曰章城門通路寢之路函谷關距山東之險城

門關守國之固周將云為故牡飛也

平帝元始元年二月乙未義陵寢神衣在柙中

哀帝也丙申旦衣在

外牀上寢令以急變聞祠以太牢

王莽地皇元年七月社陵便殿乘與虎文衣發藏在室匣中者出

自樹立堂上良久乃委地車卒見者以聞莽惡之

魏濟王正始末河南尹李勝治聽事有小村激墮椀受石虎頭斷

之此木沴金也勝後旬日而敗

晉惠帝元康八年五月郊禘壇石中破為二此木沴金也郊禘壇

求子之神位無故自毀太子將危之妖也明年愍懷廢死

孝武帝太元十年四月謝安出鎮廣陵始發石頭金鼓無故自破

木沴金之具也天戒若曰安徒揚經略之聲終無其實鉦鼓不用

之象也月餘以疾還而薨

梁武帝大同十二年曲阿建陵陵口石騏驎動木沴金也動者遷

移之象天戒若曰園陵無三石驎將為人所移也後竟國亡

太清元年帝捨身光嚴重雲殿游仙化生皆震動三日乃止當時

謂之祥瑞識者以為非動而動在洪範為妖以比石虎之敗殺壁

畫人頸皆縮入頭之類

又送辟邪二於建陵左双角者至陵所右獨角者將引於車上振躍者三車兩轅俱折因換車未至陵二里所又躍者三每一振則車側人莫不聳奮去地三四尺車輪陷入土三寸木沴金也劉向曰失衆心令不行言不從以亂金氣也石為陰臣象也臣將為變之應武帝暮年君臣唯講經談玄朝綱紊亂令不行言不從之咎也其後致侯景之亂

元帝承聖二年正月己卯江夏宮南門簷牡飛

後齊河清四年殿上石自起兩兩相擊時孟為石陰類下人象殿上石自起者左右親人離叛之應及**周**師東伐龍臣尉相願乞扶貴和兄弟之徒皆叛入**周**

周建德元年濮陽郡有石像郡官令載向府將刮取金在道自躍投地如此者再乃以大繩縛著車壁又絕繩而下時帝既城**齊**又事淮南行伐不息百姓疲敝朱叢心之應也

唐長壽中東都天宮寺泥像皆流汗霖霖

神龍中東都白馬寺鐵像頭無故自落於殿門外

天寶五年四月宰臣李適之常列鼎俎具膳差中夜鼎躍相聞不鮮鼎耳及足皆折

長慶中新都大道觀泥人生鬚數寸拔之復生

後晉開運元年七月一日夜大雷兩明德門內井亭有石槽槽有龍首其夕漂行數丈而龍首斷焉識者云石國姓也而龍首既斷大不吉之象**晉**林果終於開運

宋乾德五年十一月許州開元觀老君像自動知州宋僊以聞

六年正月簡州普通院毗盧佛像自動

元豐元年邕州佛像動搖初像嘗動而交人入寇又動而州大火

其後懷智高叛復動於是知州錢師孟投之江中

紹興二年宣州有鐵佛像坐高丈餘自動送前迭却若樞而就入者數日既而郡有火火勝金火氣盛金朱其性而為變怪也

二十年二月温州戒福寺有銅佛像頂珠自動光彩激射終日不火停數日火作寺焚與宣州鐵佛同占皆火沴金也

淳熙九年春德興縣民家有鏡自飛舞與日光相射

物自壞

即五行志所謂金沴木也

春秋文公十三年木室屋壞近金沴木木動也先是冬僖公薨十月六月乃作主後六月又吉禘於太廟而致僖公左氏說曰登僖於閔上逆祀也又未三年而吉禘前後亂賢父聖祖之大禮太室屋壞象魯自是而陵夷將隨周公之祀也

漢景帝三年十二月吳二城門自傾大船自覆劉向以為近金沴

木木動也先是吳三渚以太子死於陳稱疾不朝陰與楚王戊謀

為逆亂城猶國也其一門名曰楚門一門曰魚門吳地以船為家

以魚為食天戒若曰與楚所謀傾國覆家吳王不寤正月與楚俱

起兵身死國亡京房易傳曰上下咸諄厥效城門壞師古曰諄感也音布內反

宣帝時大司馬霍禹所居第門自壞時禹內不順外不敬見戒不

改卒受城亡之誅哀帝時大司馬董賢第門自壞時賢以私愛居

大位賞賜無度驕慢不敬大失臣道見戒不改後賢未妻自殺家

徒合浦

後漢桓帝延熹五年太學門無故自壞襄楷以為太學前疑所居

本傳相書無前疑之言也其門自壞文德將喪教化廢也是後天下遂至喪亂

永康元年十月壬戌南宮平城門內屋自壞金沴木木動也其十

二月宮車晏駕

靈帝光和元年南宮平城門內屋武庫屋及外東垣屋前後頽壞蔡邕對曰平城門正陽之門與宮連郊祀法駕所由從出門之最尊者也武庫禁兵所藏東垣庫之外障易傳曰小人在位上下咸恃厥妖城門內崩潛潭巴曰宮尾自隨諸侯彊陵主此皆小人之顛位亂法之咎也其後黃巾賊先起東方庫兵大動皇后同父兄何進為大將軍同母弟苗為車騎將軍兄弟並貴盛皆統兵在東都其後進欲誅廢中官為中常侍張讓段珪等所殺兵戰宮中關下更相誅滅天下兵大起

三年二月公府駐駕廡自壞南北三十餘間

中平二年二月癸亥廣陽城門外上屋自壞也

獻帝初平二年三月長安宣平城門外屋無故自壞至三年夏司

徒王允使中郎將呂布殺太師董卓弟三族表山松曰李傕郭汜破長安城害允等

興平元年十月長安市門無故自壞至二年春李傕郭汜圍長安

中催迫劫天子移置催塢盡燒宮室殿宇城門官府氏舍放兵寇

秋公卿以下

魏文帝黃初七年正月幸許昌城南門無故自崩帝心惡之遂不

入遷洛陽此金沔木木動之也五月宮車晏駕京房易傳曰上下

咸恃厥妖也城門壞

晉武帝太康五年五月軍帝廟地陷梁折

八年正月太廟殿又陷改作廟基及泉其年九月遂更營新廟遠

致名材雜以銅柱至十年四月乃成十一月庚寅梁又折天戒若

曰地陷者分離之象梁折木不曲直也明年帝崩王室遂亂

惠帝太安二年成都王穎使陸機率眾向京師擊長沙王乂軍始

引而牙竿折俄而戰敗機誅頴奔死

晉元帝太興二年六月吳郡米蕪無故自壞天戒若曰夫米蕪貨
糴之屋無故自壞此五穀踴貴所以無糴貴也是歲遂大饑死者
千人焉

明帝大寧元年周逵自歸王敦既立其宅宇所起五門六梁一時
躍出墜地餘桁猶亘柱頭此金珍也明年五月錢鳳謀亂遂族
滅逵而湖熟尋亦為墟矣

安帝元興元年五月景子會稽王世子元顯將討桓玄建牙竿於
揚州南門其東者難立及久乃正近珍妖也而元顯尋為玄所擒
三年五月樂賢堂壞時帝臨眺無樂賢之心故此堂見珍

義熙九年五月國子聖堂壞天戒若曰聖堂禮樂之本無故壞業
祗將墜之象未及十年而禪位焉

陳文帝天嘉六年秋七月儀賢堂無故自壓近金珍木也時帝盛
修宮室百姓失業故木失其性

後主禎明元年六月宮內水殿若有刀鋸斫伐之聲其殿因無故
而倒七月朱雀航又無故自沉時後主盛脩園囿不虔宗廟水殿
者遊宴之所朱雀航者國門之大路無故自壞天戒若曰宮室毀
津路絕後竟為隋所滅宗廟為墟

後齊孝昭帝將誅楊愔乘車向省入東門憶竿無故自折帝甚惡
之歲餘而崩

河清三年長廣郡聽事梁忽剝若入狀太守惡而削去之明日復
然長廣帝本封也木為變不祥之兆其年帝崩

武平七年秋後將如晉陽向北宮辭胡太后至宮內門所乘七
簣車無故陷人於地半沒四足是歲齊城后被虜於長安

後周建德六年青城門無故自崩青者東方色春宮之象也時皇太子無威儀禮節青城門無故自崩者皇太子不勝任之應帝不悟明年太子嗣立果為無道周室危亡寔自母始

隋大業中齊王暕於東都起第新構寢堂其楹無故而折時上無太子天下皆以暕次當立公卿屬望暕遂驕恣呼術者令相又為厭勝之事堂楹無故自折木失其姓奸謀之應也天見變以戒之暕不悟後竟得罪於帝

唐武德元年午月戊戌突厥始畢可汗衙帳無故自壞

中宗即位金雞竿折雞竿所以肆赦始登大號而雞竿折不祥神龍中有群狐入御史大夫李承嘉第其堂無故壞又秉筆而管直裂易之又裂

開元五年正月癸卯太廟四室壞

天寶十四載哥舒翰帥師守潼關前軍啓行牙門旗至坊門觸落槍刃衆以為不祥

永泰二年三月辛酉中書敕庫壞

貞元四年正月庚戌朔德宗御舍元殿受朝賀質明殿階及欄檻三十餘間自壞衛士死者十餘人舍元路寢大朝會之所御也正月朔一歲之元王者之事天所以儆者重矣

太和九年鄭注為鳳翔節度使將之鎮出開遠門旗竿折

光啓初揚州府署門屋自壞故隋之行臺門也制度甚宏麗云

宋紹興三年八月辛亥尚書省後樓屋無故自壞

文獻通考卷之三百八

鄒陽 馬 端臨 貴與 著

物異考

人異

按傳曰皇之不極厥罰常陰時則有下人伐上之病昌邑
 王時霍光將議廢立而夏侯勝接此以諫王出游光與張
 安世疑謀已泄而驚異其說然則所謂下人伐上之病乃
 犯上反叛之謂然歷代史志只謂之人病而所載者則形
 體之妖異或舉動言語之狂惑或化為異物或已死復生
 殊不及叛逆之事蓋人病者妖也叛逆者其應也又下而
 犯上臣而皆君其妖孰甚焉故摠謂之人病云

春秋文公十一年敗狄于鹹師古曰鹹魯地也穀梁公羊傳曰長秋師古曰防

風之後漆姓也國號鄭音折求反瞞音莫干反弟三人一者之魯師古曰僑如也來

所一者之齊師古曰榮如也齊襄公二一者之晉師古曰焚如也

獲國而皆殺之身橫九晦師古曰晦斷其首而載之眉見於軾師古曰

前橫木何以書記異也劉向以為是時周室衰微三國為大可責

者也天戒若曰不行禮義大為夷狄之行將致危亡其後三國皆

有篡弑之禍師古曰謂魯文公薨襄仲弑惠及視而立宣公齊襄

悼公近下人伐上之病也劉歆以為人變屬黃祥一曰屬羸蟲之

孽一曰天地之性人為貴凡人為變皆屬皇極下人伐上之病云

京房易傳曰君暴亂疾有道厥妖長狄入國又曰豐其屋下獨苦

十二人見於臨洮師古曰隴西之天戒若曰勿大為夷狄之行將

受其禍是歲始皇初并六國反喜以為瑞銷天下兵器作金人十

二以象之遂自賢聖燔詩書阮儒士奢淫暴虐務欲廣地南戍五

嶺北築長城以備胡越師古曰五嶺解塹山填谷西起臨洮東至

遼東徃數千里故大人見於臨洮明禍亂之起後十四年而秦亡

亡自戍卒陳勝發

史記魏襄王十三年魏有女子化為丈夫京房易傳曰女子化為

丈夫茲謂陰昌賤人為王丈夫化為女子茲謂陰勝厥咎亡一曰

男化為女宮刑濫也如淳曰宮刑女化為男婦政行也

昭王伐齊齊潘王出奔為楚將淖齒所弑

秦始皇三十六年鄭容從關東來至華陰望見素車白馬從華山

上下知其非人道往止而待之遂至持璧與客曰為我遺鎬池君

長安西北有鎬池君則池神也江神告之因言今年祖龍死祖始也龍人君忽不見客
奉壁始皇使御史視之耶二十八年過江所湛壁也默然良久曰
山鬼不過知一歲事也

漢高祖為亭長送徒驪山被酒夜徑澤中有大蛇當徑乃拔劍斬
蛇後人來至蛇所有一老嫗夜哭人問之曰吾子白帝子也化為
蛇當道今者赤帝子斬之故哭人以此嫗為不誠欲苦之嫗因忽不
見後人告高祖高祖心獨喜自負諸從者日益畏之

漢景帝二年九月膠東下密人年七十餘生角角有毛時膠西濟
南齊四王有舉兵反謀謀曰吳王濞起連楚趙凡七國下密縣居
四齊之中角兵象上卿者也老人吳王象也年七十七國象也天
戒若曰人不當生角猶諸侯不當舉兵以卿京師也禍從老人生
七國俱敗云京房易傳曰家宰專政厥妖人生角

武帝征和元年上居建章宮見一男子帶劍入中龍華門疑其
人命收之男子捐劍走逐之弗獲上怒斬門候冬十一月發三輔
騎士大搜上林閉長安城門索十一日乃解巫蠱始起

哀帝建平中豫章有男子化為女子嫁為人婦生一子長安陳鳳
言此陽變為陰將亡繼嗣自相生之象一曰嫁為人婦生一子者
將復一世乃絕

哀帝建平四年四月山陽方與女子田無嗇生子師古曰方與者
山陽之縣也女
子姓田名無嗇
方與音房豫
先未生二月兒曉腹中及生不舉葬之陌上三日
人過聞曉聲母振收養

平帝元始元年二月朔方廣牧女子趙春病死師古曰廣牧朔方
之縣也姓趙名春
歛棺積六日師古曰歛音力瞻出在棺外自言見夫死父曰年二
十七不當死太守譚以聞京房易傳曰幹父之蠱有子考亡谷障

曰蠱事也子欲正父之事是為有子故考
 不為咎累師古曰易蠱卦初六爻辭也
 子三年不改父道思慕
 不皇亦重見先人之非而古曰言父有不善之事當速改之若惟
 思慕而已無所變易是重顯先人之非也
 一曰三年之內但思慕而已不暇
 見父之非故不改也重音直用反
 不則為私死妖人死復生一曰
 至陰為陽下人為上六月長安安子有生兒兩頭異頸面相鄉四
 臂共匈俱前鄉師古曰鄉况上有目長二寸所京房易傳曰睽孤
 見豕負塗師古曰易睽卦上九爻辭也睽孤睽音苦攜反厥妖人生兩頭下相
 攘善妖亦同人若六畜首目在下茲謂亡上正將變更凡妖之作
 以譴夫正各象其類二首十不一也足多所任邪也足少下不勝
 任或不任下也凡下體生於上不敬也上體生於下媒續也生非
 其類淫亂也人生而大上速成也生而能言好噎也群妖推此類
 不改乃成凶也

王莽始建國三年既豐子尋坐為作符命誅黨與死者數百人尋

乎理有天子字莽解其臂入視之曰此一大子也或一六子也六

者戮也明尋父子當戮死也。是歲池陽縣有小人景長尺餘或

乘車馬或步行操持萬物大小多相稱車馬及物皆稱人之形三日止

天鳳四年連率韓博上言有奇士長丈大十圍來至官府曰欲奮

擊胡虜謂巨毋霸出於蓬萊東南五城西北昭如海瀕昭如海各名也輶

車不能載三馬不能勝即日以大車四馬建虎旗載霸詣闕霸卧

則枕鼓以鐵箸食乞迎之於道京師門戶不容者開高大之以視

百蠻

後漢靈帝建寧三年春河內婦食夫河南夫食婦目昭曰以夫之

陰承體早吞食尊陽將非君道皆弱無居剛之德遂為陰細之人

所能消毀乎夫惟家之主而乃自食正內之人時宋皇后特立而

靈帝一聽聽關官無所厝心宋后終廢天戒后曰徒隨變豎之意夫敢其妻乎二年雒陽上西門外女子

生兒兩頭異有共胃俱前向以為不祥墮地棄之自此之後朝廷

不狀卷之三

霜亂政在私門上下無別二頭之象後董卓弑太后被以不孝之名放廢天子後復害之漢元以來禍莫踰此

四年魏郡男子張博送鐵盧詣太官博上書室殿山居屋後宮禁落屋籬呼上收縛考問辭忽不自覺知目昭曰魏人入宮既尊漢

禍發

中平元年六月壬申雒陽男子劉倉居上西門外妻生男兩頭共

身

靈帝時江夏黃氏之母浴而化為鼈入于深淵其後時出見初浴

簪一銀釵及見猶在其首臣昭曰黃者代漢之色女人臣妾之體

夫君德尊陽利見九五飛在天乃備光盛府等龜龜有規潛躍首從戴釵卑弱未盡

獻帝初平中長沙有人姓桓氏死棺斂月餘其母聞棺中聲發之遂生占曰至陰為陽下人為上其後曹公由庶士起

建安四年二月武陵充縣女子李娥年六十餘物故其家以杉木禮斂墓於城外數里上巳十四日有行者聞家中有聲便語其家

其家往視聞聲便發出遂活

七年趙嵩有男子化為女子時周群上言哀帝時亦有此異將有

易代之事至二十五年獻帝封于山陽公

建安中女子生男兩頭共身

魏文帝黃初初河清朱士宗母化為鱉入水

明帝六和三年曹休部曲兵奚農女死復生時有開周世家得殉

葬女子數日而有氣數月而能言郭太后愛養之又太原人發冢

破棺棺中有一生婦人問其本事不知也視其墓木可三十歲按

京房易傳曰至陰為陽下人為上宣帝起之象也漢平帝獻帝並

有此異古以為王莽曹操之證

青龍元年并州刺史畢軌送漢故渡遼將軍范明友鮮卑奴年三百五十歲言品飲食如常人奴云霍顯光後小妻明友妻光前妻女時京邑有一人失其姓名食啖蕪十許人遂肥不能動其父曾作遠方長吏官徒送彼縣令故義傳供食之一二年中一鄉輒為之儉

三年中壽春農民妻自言為天神所下命為登女當營衛帝室獨邪納福飲人以水及以洗創或多愈者於是立館後宮下詔稱揚甚見優寵及景初二年帝疾欲水無驗以致大漸於是斬焉

元帝咸寧二年八月襄武縣言有大人見長三文餘跡長三尺二寸髮白著黃巾單衣拄杖呼王始語曰今當太平晉尋代魏

吳孫休時烏程人有得困病及差能以嚮言者言於此而聞於彼自其所聽之不覺其聲之大也自遠聽之如人對言不覺聲之自遠來也聲之所往隨其所向遠者於過十數里其隣人有責息於外歷年不還乃假之使為責讓懼以禍福負物者以為鬼神即顛倒界之其人亦自不知所以然也

按此事晉史置之言不從條下然此妖異也故今移置之入痴門云

孫休永安四年安吳氏陳焦死七日復生穿冢出于寶曰此與

漢宣帝同事烏程侯皓承廢故之家得位之祥也

孫皓寶鼎元年丹陽宣騫母年八十因浴化為黿兄弟閉戶衛之掘堂上作一大坎實水其中黿入坎遊戲一二日恒延頸外望伺戶小開便輪轉自躍入于遠潭遂不復還與漢靈帝時黃氏母事同吳亡之象也

晉武帝泰始五年城人年七十生角始趙王倫篡亂之象也

咸寧二年十二月琅邪人顏畿病死棺欵已久家人咸夢畿謂已曰我當復生可急開棺遂出之漸能飲食屢視瞻不能行語二年復死京房易傳曰至陰為陽下人為上厥妖人死復生其後劉石僭逆遂亡晉室下為上之應也

惠帝元康中安豐有女子周世寧八歲漸化為男子至十七八而氣性成京房易傳曰女子化為丈夫茲謂陰昌賤人為王此亦劉石覆蕩天下之妖也

元康中梁國女子許嫁已受禮聘尋而其夫戍長安經年不歸女家更以適人女不樂行其父母逼彊不得而去尋病亡後其天還問其文所在其家具說之其夫逃至女墓不勝哀情後家開棺女遂活因與歸家後恐聞知詣官爭之所在不能決祕書卿王道議曰此是非常事不得以常理斷之宜還前夫朝廷從其議

惠帝世杜錫家葬而婢誤不得出後十年開家附葬而婢尚生始如暝有頃漸覺問之自謂再宿爾初婢之埋年十五六及開冢更年猶十五六也嫁之有子

光熙元年會稽謝真生子頭大而兩蹠之石反向上有男女兩體生便作丈夫聲經一日死此皇之不極下人伐上之病於是諸王有僭亂之象也

惠帝之世京洛有人兼男女體亦能兩用人道而性尤滯此亂氣所生自咸寧太康之後男寵大興甚於女色士大夫莫不尚之天下相倣倣或至夫婦離絕多生怨曠故男女氣亂而妖形之作也懷帝永嘉元年吳郡吳縣萬詳婢生子鳥頭兩足馬蹄一手無尾黃色大如枕此亦人妖亂之象也五年五月抱罕令嚴根妓產一龍一女一鵝京房易傳曰人生他物非人所見者皆為天下大兵

是時帝承德皇之後四海沸騰尋而陷於平陽為逆胡所害此其徵也

愍帝建興四年新蔡縣吏任僑妻產二女腹與心相合自曾以上臍以下各分此蓋天下未一之效也時內史呂會上言按瑞應圖異根同體謂之連理異畝同穎謂之嘉禾草木之異猶以為瑞今二人同心易稱二人同心其利斷金蓋四海同心之瑞也時皆哂之俄而四海分崩帝亦淪沒

元帝太興初有女子其陰在腹當臍下自中國來至江東其性淫而不產又有女子陰在首渡在揚州性亦淫京房易傳曰人生子陰在首天下大亂在腹天下有事在背天下無後于時王敦據上流將欲為亂是其徵

三年十二月尚書鸞謝平妻生女墮地暈暈匹備有聲頃更便死鼻目皆在頂上面處如項口有齒都連為一曾如鸞手足瓜如鳥瓜皆下勾此亦人生他物非人所見者後二年有石頭之敗

明帝永寧二年七月丹陽江寧侯紀妻死經三日復生

成帝咸康五年四月下邳民王和僑居暨居赤陽息女可年二十自云上天來還得微瑞印綬當母天下晉陵太守以為妖收付獄至十一月有人持之杖絳衣詣止車門口列為人使求見天子門候受辭稱姓呂名賜其言王和女可右足下有七星星皆有毛長七寸天今命可為天下母奏聞即伏誅并下晉陵誅可

康帝建元二年十月衛將軍營督過望所領兵陳瀆女臺有文在其足曰天下之母灸之愈明京都諠譁有司收繫以聞俄自建康縣獄亡去明年帝崩獻后臨朝此其祥也

孝武帝寧康初南郡州陵女唐氏漸化為丈夫

安帝義熙七年無錫人趙末年八歲一旦暴長八尺鬚髮
反下相

義熙中東陽人莫氏生女不養埋之數日於土中啼取養遂活日

義熙末豫章吳平人有二陽道重累生

恭帝元熙元年建安入陽道無頭正平木下作女人形體

劉聰子約死一指猶暖遂不殯殮及蘇言見元海於不周山經

五日而遂復從至崑崙山三日而復返於不周見諸王公卿將

相死者悉在宮室甚壯麗號曰蒙珠離國元海謂約曰東北有

遮須夷國無主久待汝父為之汝父後三年當來來後國中

亂相殺害居家死亡略盡但可求明輩十數人在耳汝宜還後

年當來見汝不久約拜辭而回首過一國曰荷左渠餘國引約

後年來必見過當以小女妻之約歸置皮囊於机上俄而蘇

左右机上取皮囊開視之有一方白玉題文曰荷左渠餘國天

王敬信遮須夷國天王威在攝提當相見也馳使呈聰聰曰若

審如此吾不懼死也及聰死與此玉并葬焉

符健時新平有長人見語百姓張靖曰符氏應天受命今當太

平外面者歸中而安恭問姓名弗答俄而不見新平令以聞健

以為妖下靖獄會大雨霖河渭溢蒲津監寇登得一履於河長

七尺三寸人跡稱之指長尺餘文深一寸健歎曰覆載之中何

所不有張靖所見定不虛也乃赦之

朱明帝恭讓元年正月丁巳巨人跡見西池水有

梁武帝時海中浮鵠山去餘姚岸可千餘里上有女人年三百歲

有女官道士四五百人年並出百但在山學道遣使獻紅席帝方

有女官道士四五百人年並出百但在山學道遣使獻紅席帝方

有女官道士四五百人年並出百但在山學道遣使獻紅席帝方

拾身時其使適至云此草常有紅鳥居下故以為名觀其圖狀則
鸞鳥也時又有男子不知何許人於大衆中自割身以飴饑鳥血
流徧體而顏色不變又沙門智泉鉢鈎推體以燃千燈一日一夜
端坐不動

太清元年丹陽有莫氏妻生男眼在頂上大如兩歲兒墮地而言
曰兒是早疫鬼不得住汝當令我得過疫鬼曰有上官何得自曰
母可急作絳帽故當無憂母不暇作帽以絳繫髮自是里疫者二
年揚徐兗豫尤甚莫氏鄉隣多以絳免他土效之無驗

簡文大寶二年京口人於截兒年五歲登城西南角大獲打鼓作
長江搥鼓兵象也時侯景亂江南

元帝承聖元年十二月天門山獲野人出山三日而死

陳武帝承聖三年有人長三文見羅浮山通身潔白衣服楚麗京

然曰盛空未幾周滅高祖移都長安城為墟矣

隋開皇六年霍州有老翁化為猛獸

七年相州有桑門變為蛇尾繞樹而自抽長二丈許

仁壽四年有人長數丈見於應門其迹長四尺五寸其年帝崩

大業元年馮門人房回安母年百歲額上生角長二寸洪範五行
傳曰婦人陰象也角兵象也下反上之應是後天下果大亂陰戎
圍帝於馮門

四年馮門宋谷村有婦人生一肉如大如斗埋之後數日所埋處
雲霧盡合從地雷震而上視之洞穴失如所在

六年趙郡李來王家有婢產一物大如卵

六年正月朔旦有盜衣白練裙襦手持香花自稱彌勒佛出世入
建國門奪衛士仗將為亂齊王暕遇而斬之後三年揚玄感作亂

引兵圍洛陽戰敗乃伏誅

八年有澄公者若狂人於東都大叫唱賊帝聞而惡之明年玄感作亂舉兵圍洛陽

十二年澄公又叫賊李密逼東都孟讓燒豐都市而去

九年帝在高陽唐縣人宋子賢善為幻術每夜樓上有光明能變作佛形自稱彌勒出世又懸二鏡於堂上紙素上畫為蛇為獸及人形有人來禮謁者轉側其鏡遣觀來生形像或映見紙上蛇形子賢輒告云此罪業也當更禮念又令禮謁乃轉人形示之遠近惑信日數百千人遂潛謀作亂將為無遮佛會因舉兵欲襲擊乘輿事泄鷹揚即將以兵捕之夜至其所遠其所居但見火坑兵不敢進郎將曰此地素無坑止妖妄耳及進無復火矣遂擒斬之并坐其黨與千餘家其後復有桑門向海明於扶風自稱彌勒佛出世潛謀逆亂人有歸心者輒獲吉夢由是人皆惑之三輔之士翕然稱為大聖因舉兵反衆至數萬官軍擊破之京房易飛候曰妖言動衆者茲謂不信路無人行不出三年起兵自是天下大亂路無人行

唐武德四年太原尼志覺死十日而蘇

貞觀十九年衛州人劉道安頭生肉角隱見不常因以惑衆伏誅角兵象肉不可以觸者

永徽六年淄州高苑民吳威妻嘉州民辛道護妻皆一產四男凡物反常則為妖亦陰氣盛則毋道壯也

顯慶三年普州有人化為虎虎猛噬而不仁

儀鳳三年四月涇州獻二小兒連心異體初鶉觚縣衛士胡萬年妻吳生一男一女其胷相連餘各異體乃析之則皆死又產復然

俱男也遂育之至是四歲以獻于朝

永隆元年長安獲女魃長尺有二寸其狀怪異詩曰旱魃為虐如
倏如焚是歲秋不雨至于明年正月

二年九月萬年縣女子劉凝靜衣由衣從者數人并大史令聽問
此有何災異令執之以聞是以彗星見太史司天文曆候王者所
以奉若夫道恭授民時者非女子所當問延載初中涪州民范端
化為虎

神功元年二月庚子有人走入端門又入則天門至通天宮闕及
仗衛不之覺時來俊臣婢產肉塊如二升器剖之有赤蠶須史化
為蜂螫人而去

又視二年正月成州有大人跡見長安中郴州左史因病化為虎
欲食其婢擒之乃人也雖未全化而虎毛生矣

太極元年狂人段萬謙潛入承天門登太極殿并御牀自稱天子
且言我李安國也人相我年三十二當為天子

開元二十三年四月冀州獻長人李家龍八尺有五寸

大曆十年二月昭應婦人張產一男二女

貞元八年正月丁亥許州人李狗兒持杖上含元殿擊欄檻伏誅
十年四月桓州有臣人跡見

十五年正月戊申証人劉忠詣銀臺稱白起令上表天下有火災
十七年十一月翰林待詔戴少平死十有六日而蘇是歲宣州南
陵縣丞李嶷死已殯三十日而蘇

元和二年商州洪崖治沒夫將化為虎衆以水沃之不果化

長慶四年三月長安民徐忠信潛入浴堂門

寶曆二年十二月延州人賀文妻一產四男

大和二年十月狂人劉德廣入舍元殿

咸通七年滑州有人生角寸許占曰天下有兵

十三年四月太原晉陽民家有嬰兒兩頭異頸四手聯足此天下不一之妖是歲民皇甫及年十四暴長七尺餘長啜大爵三倍如初歲餘死

乾符六年秋蜀郡婦人尹生子首如豕目在眦下占曰君失道

光啓元年隰州溫泉民家有死者既葬且半月行人聞聲呼地下其家發之則復生歲餘乃死

二年春鳳翔郿縣女子未亂化為丈夫旬日而死京房易傳曰茲謂陰昌賊人為王

大順元年六月賓州兵王金義妻如孕覺物漸下入股至足大拇痛甚拆而生珠如彈丸漸長大如杯

天祐二年五月潁州汝陰民彭文妻一產三男

南漢劉鋹時南海民妻生子兩首四臂

宋自建隆元年至天禧四年郡縣上言民妻產三男者凡一百九

產四男者凡三產一男三女者二產二男一女者一

建隆三年齊州晉州大旱民家多生魃

太平興國九年揚州揚子縣民妻生男毛被體半寸餘面長頂高

竊眉眉毫粗密近髮際有毛兩道軟長眼微紫唇紅厚耳鼻大類

胡僧至三歲畫圖以獻

淳化元年八月汾州悉達院僧智嚴頭生角可長三寸

天禧四年七月澠州來陽縣民張中妻產三男其一額有白誌方

寸餘上生白髮

天聖至治平婦人生四男者二生三男者四十四生二男一女者

一說者曰天下安寧無兵荒之憂人民蕃息之驗也

熙寧元年距元豐七年郡邑民家生三男者八十四而四男者一
三男一女者一

元豐八年至元符二年生三男者十八而四男者二三男一女者
一

元符三年至靖康生三男者十九四男者一

宣和六年都城有賣青果男子孕而誕子蓐母不能收易七人始
免而逃去 又有酒肆號豐樂樓酒保朱氏子之妻可四十餘又

楚州人忽生鬚長僅六七寸疏秀而美宛然一男子特詔度為女
道士紹興三年建康府桐林灣人產兒肉角有齒角兵象肉不可
以觸者是歲人多產鱗毛皆人病也

紹興三年八月洋州真符縣民家一產三男

隆興元年建康民流寓行都產子二首具羽毛之形乾道五年衡
湘間有人化為虎者與唐志顯慶三年人病同占 餘杭縣民婦

產子青而毛二肉角 又有二家婦產子毛角亦如之皆連體兩
面相鄉鄉同三家繞相去一二里病氣同所鍾也 又潮州城西

婦孕過期產兒如指大五體皆具者百餘蠕蠕能動人病之異也
淳熙十年番陽南鄉民產子兩肘各有二臂長十五歲每鬪則六
臂並運

十三年行都有人死十四日復生十一月辛未鄧家巷民婦產肉
塊三其一直目而橫口

十四年六月臨安府浦頭民產子生而能言四日暴長四尺

紹熙元年平江府崑山縣石工採石而山摧工壓焉三年六月也

工祿石鄰山聞其聲呼相應若如平生報其家鑿石出之見其妻喜曰久閉乍風肌如裂俄頃聲微禁不語化為石人貌如生

慶元元年饒州樂平民產子人體有尾 永州民產兒首有角腋有肉翅

二年七月隆興府進賢縣民產子亦如之而面有三日

嘉定元年四月鎮江後軍妻生子一身二首四臂晉志謂中原分裂應此人病也後數年金人失中原

文獻通考卷之三百九

御陽 馬 端臨 貴與 著

物異考

詩異

春秋左氏傳晉獻公時童謠曰丙之晨龍尾伏辰衲服振振取號

之旂師古曰徒歌曰謠衲服黑衣振振初服

焯焯火中成軍號公其奔師古曰奔者奔焯音吐是時號為

小國介夏陽之沈怙震國之助介備也亢衡於晉有炕陽之

節失臣下之心晉獻伐之問於卜偃曰吾其濟乎師古曰卜

者主卜偃以童謠對曰克之十月朔丙子旦日在尾月在箕

火中必此時也冬十二月丙子朔晉師滅虢公醜奔周

十二月夏十月也言天者以夏正史記晉惠公時童謠曰

恭太子更葬考後十四年晉亦不昌昌迺在其兄是時惠公

賴秦力而立立而背秦內殺二大夫師古曰謂國人不說

曰說諫及更葬其兄恭太子申生而不敬故詩妖作也後與

秦戰為秦所獲立十四年而死晉人絕之更立其兄重耳是

為文公遂伯諸侯師古曰伯左氏傳文成之世童謠曰鸚

之鴝師古曰鸚音鸚鴝之羽公在外野往饋之

馬師古曰鸚音鸚鴝師古曰鸚音鸚鴝師古曰鸚音鸚鴝

乾音誅師古曰微褰與襦師古曰微褰與襦師古曰微褰與襦

搖師古曰搖師古曰搖師古曰搖師古曰搖師古曰搖

哭師古曰哭師古曰哭師古曰哭師古曰哭師古曰哭

出奔齊居外野次乾侯八年死于外歸葬魯昭公名稠公子

宋立是為定公

漢元帝時童謠曰井水溢滅竈煙灌玉堂流金門至成帝建始二

年三月戊子北宮中井泉稍上溢出南流象春秋時先有鸚

鴝之謠而後有來巢之驗井水陰也竈煙陽也玉堂金門至

尊之居象陰盛而滅陽竊有宮室之應也王莽生於元帝初

元四年至成帝封侯為三公輔政因以篡位成帝時童謠

曰燕燕尾涎涎師古曰涎光澤張公子時相見木門倉琅

根燕飛來啄皇孫皇孫死燕啄矢其後帝為微行出遊常與

富平侯張放俱稱富平侯家人過河陽主作樂見舞者趙飛

燕而幸之故曰燕燕尾涎涎美好貌也張公子謂富平侯也

木門倉琅根謂宮銅鍍師古曰門之鋪首及銅鍍也銅色青

與環言將尊貴也後遂立為皇后弟昭儀賊害後宮皇子卒

皆伏辜所謂燕飛來啄皇孫皇孫死燕啄天者也 成帝時

詞謠又曰邪徑敗良田詭口亂善人桂樹華不實黃爵巢其

顛古為人所羨今為人所憐桂赤色漢家象華不實無繼嗣

也王莽自謂黃象黃爵巢其顛也後漢更始時南陽有童

謠曰諧不諧在赤眉不得在河北是時更始在長安世祖

為大司馬平定河北後更始為赤眉所殺世祖自河北興

世祖建武元年帝先在長安時同舍生疆華自關中奉赤伏

符曰劉秀發兵捕不道四夷雲集龍闕野四七之際火為主

四七二十八也自高祖至光武初起合二百二

十八年即四七之際也漢火德故火為主也群臣奏以為

受命之符光武乃命有司設壇場以六月己未即皇帝位于

鄗改鄗為高邑建武六年蜀有童謠曰黃牛白腹五銖當

復是時公孫述僭號於蜀時人竊言王莽稱黃述欲繼之故

稱白五銖漢家貨明當復也述遂誅滅王莽未天水童謠曰

出吳門望緹群見一蹇人言欲上天今天可上地上安得民

時隗囂初起兵於天水後意稍廣欲為天子遂破滅囂少病

蹇吳門冀郭門名也緹群山名也

順帝之末京都童謠曰直如弦死道邊曲如鉤反封侯案順帝即

世孝質短祚大將軍梁冀貪樹疏幼又專國柄太尉李固以

清河王年長有德欲立之冀白太后策免固而立桓帝固是

月幽斃于獄暴尸道路而胡廣趙戒袁湯俱封侯云桓帝

初天下童謠曰小麥青青大麥枯誰當獲者婦與姑丈夫何

在西擊胡吏買馬君具車請為諸君鼓龍胡案元嘉中涼州

諸羗俱反大為民害命收出衆每戰常負中國益發甲卒麥

多委弃但有婦女收獲吏買馬君具車者言調發重及有秩

者也請為諸君鼓龍胡者不敢公言私咽語 **桓帝之初京**

都童謡曰城上烏尾畢通公為吏子為徒一徒死百乘車車

班班入河間河間姪女工數錢以錢為室金為堂石上儵儵

春黃梁梁下有懸鼓我欲擊之丞卿怒按此皆謂為政貪也

城上烏尾畢通者處高利獨食不與下共謂人主多聚歛也

公為吏子為徒者言蠻夷將畔逆父既為軍吏其子又為卒

徒往擊之也一徒死百乘車者言前一人往討胡既死矣後

又遣百乘車往 臣昭曰志家此釋豈未盡乎往徒一死何用

帝帝貴任群關參委機政左右前後莫非刑人有同囚徒之

長生言寄一徒也且又第則發熱身無嗣冠然單獨非一而

何百乘車者乃國之君解讀後微車班班入河間者言上將

王膺斯數繼以班班尤尚以類焉 崩乘輿班班入河間迎 **靈帝** 也 應劭釋此句云徵靈帝

姪女工數錢一木作 以錢為室金為堂者 **靈帝** 既立其母求

樂太后好聚金以為堂也石上儵儵春黃梁者言求樂雖積

金錢儵儵常苦不足使人春黃而食之梁下有懸鼓我欲擊

之丞卿怒者言求樂主教 **靈帝** 使賣官受錢所祿非其人天

下忠篤之士怨望欲擊懸鼓以求見丞卿王鼓者亦復諂順

怒而止我也

桓帝之初京 都童謡曰游平賣印自有平不辟豪賢及大姓案到

延熹之末 鄧皇后以譴自殺乃以竇貴人代之其父名武字

游平拜城門校尉及太后攝政為大將軍與太傅陳蕃合心

勳力惟德是建印綬所加咸得其人豪賢大姓皆絕望矣

桓帝 之末 京童謡曰茅田一項中有井四方纖纖不可整嚼復

嚼今年尚可後年鏡 風俗通 案易曰拔茅茹以其彙征言茅

喻群賢也井者法也時中常侍管霸等專作威福禁錮黨人

茅田一項者言群賢衆多也中有井者言雖阨窮不失法度也四方織織不可整者言姦慝大熾不可整理嚼復嚼者京都飲酒相強之辭言肉食者鄙不恤王政徒耽宴飲歌呼而已也今年尚可言但禁銅後年饒者陳寶被誅天下大壞

桓帝之末京都童謠曰白蓋小車何延延河間來合諧河間來合諧按解犢亭屬饒陽河間縣君無幾桓帝崩使者與解犢侯皆白蓋車從河間來延延衆貌也

靈帝之末京都童謠曰侯非侯王非王千乘萬騎上北芒案到中平六年史侯登躡至尊獻帝未有爵號為中常侍段珪等數十人所執公卿百官皆隨其後到河上乃得來還此為非侯非王上北芒者也

英雜記曰京都謠歌咸言河騰義進獻帝卓帝天聖民窮凶極惡閩東舉兵欲非誅之轉相顧望

靈帝中平中京都歌曰承樂世董逃遊四郭董逃蒙天恩董逃橫

金紫董逃行謝恩董逃整車騎董逃重欲發董逃與中辭董

逃出西門董逃瞻宮殿董逃望京城董逃日夜絕董逃心摧

傷董逃劫字卓傳曰卓改為董安案董謂董卓也言雖拔扈縱其殘暴終

歸地窟至於城族也風俗通曰卓以董逃之歌去為已發大

賞刑夫中毀譽無驗競飾為服以溢典制遠近翕然咸各後

生放聲者為時人有識者切言舊曰世人次曰俗人今更曰

時人此天促其期也其

獻帝踐祚之初京都童謠曰千里草何青青十日十不得生案千

里草為董十日十為卓凡別字之體皆從上起左右離合無

有從下發端者也今二字如此者天意若曰卓自不摩上以

臣陵君也青青者鼎盛之貌也不得生者亦旋破亡

獻帝初燕南垂趙北際中央不合大如稱雅有以中可避世公孫贊以為易地當之遂徙鎮焉乃修城積穀以待天下之變建安

二年衣紹攻黃巾大敗紹其姊妹妻子引火自焚紹死於臺下侵據齊也雄威大振而斬之初贊破黃巾殺劉冀乘勝南下

建安初荆州童謡曰八九年間始欲衰至十三年無子遺言自中

興以來荆州無破亂及劉表為牧又豐樂至此逮八九年當

始衰者謂劉表妻當死諸將並零落也十三年無子遺言十

三年表又當死民當移詣冀州也于寶搜神記曰是時華容

言語過差縣以為妖言繫獄百餘日忽於獄中哭曰劉荆州

又歌吟曰不意李立為貴人後無幾曹公

魏明帝太和中京師歌兜鈴曹子其唱曰其奈汝曹何此詩妖也

其後曹爽見誅曹氏遂衰

景初初童謡曰阿公阿公駕馬車不意阿公東渡河阿公來還當

奈何及宣帝遼東歸至白屋堂還鎮長安會帝疾篤急召之

乃乘追鋒車東渡河終如童謡之言

齊王嘉平中有謡曰白馬素羈西南馳其誰乘者朱虎騎朱虎者

楚王小字也王凌令狐愚聞此謡謀立彪事發凌等伏誅彪

賜死

吳孫亮初童謡曰吁汝恪何若若蘆葦單衣篋鈎絡於何相求常

子閣常子閣者反語石子珊也鈎銘鈎帶也及諸葛恪死果

以葦席裹身篋束其要投之石子珊後聽恪故吏收斂求之

此塌云孫亮初公安有白鼉徒何鳴童謡曰白鼉鳴龜背平

南郡城中可長生守死不去義無成南郡城可長生者有急

易以逃也明年諸葛恪弟融鎮公安亦見襲融刮古刺金

印龜服之而死鼉有鱗介甲兵之象又曰白祥也

孫休永安二年將守質子群聚嬉戲有異小兒忽來言曰三

公鋤司馬如又曰我非人災感星也言畢上昂仰視若曳一
足練有頃沒于寶曰後四年而蜀亡六年而魏廢二十一年
而吳平於是九服歸晉魏與吳蜀並戰國三公鋤司馬如之
謂也

孫皓遣使者祭石印山下妖祠使者因以丹書巖曰楚九州
渚吳九州都揚州士作天子四世治太平矣皓聞之意益張
曰從太皇帝至朕四世太平之王非朕復誰恣虐踰甚尋以
降亡近詩妖也

孫皓天紀中童謡曰阿童復阿童銜力游渡江不畏岸上獸
但畏水中龍晉武帝聞之加王濬龍驤將軍及征吳江西軍
軍無過者而王濬先定秣陵

晉武帝太康元年平吳後江南童謡曰局縮肉數橫目中國當敗
吳當復又曰宮門柱且莫朽吳當復在三十年後又曰鷄鳴
不拊翼吳復不用力于時吳人皆謂在孫氏子孫故切發
為亂者相繼案橫目者凶字自吳亡至元帝興幾四十年元
帝興於江東皆如童謡之言焉元帝憚乃亂反而少斷局縮
肉者有所斥也

太康末京洛為折楊柳之歌其曲始有兵革苦辛之辭終以擒獲
斬截之事是時三楊貴盛而彼族滅太后廢黜幽死中宮折
楊柳之應也

惠帝永熙中河內温縣有人如狂造書曰光光文長大戰為塙毒
藥雖行戰還自傷又曰兩火沒地哀哉秋蘭歸形街郵終為
人歎及楊駿居內府以戰為衛死時又為戰所害傷楊后被
廢賈后絕其膳八日而崩華街郵亭北百姓哀之也兩火武

帝諱蘭楊后字也其時又有童謠曰二月末三月初荆筆楊
板行詔書宮中大馬幾作驢此時揚駿專權楚王用事故言
荆筆楊板二人不誅則君臣禮悖故云幾作驢也

元康中京洛童謠曰南風起吹白沙遥望魯國何嗟昨何峨五歌反

千歲髑髏獨婁反生齒牙又曰城東馬子莫隤盧紅反吻音比至

來年纏汝髮南風賈后字也白晉行也沙門太子小名也魯

賈謐國也言賈后将與謐為亂以危太子而趙王因釁咀慈反

爵在爵反豪賢以威奪不得其死之應也

元康中天下商農通著太章諸良反日時童謠曰屠蘇郭日覆兩

耳當見瞎許瞎反兒作天子及趙王倫篡位其日實耿焉趙王

倫既篡洛中童謠曰獸從北來鼻頭汗龍從南來登城看水

從西來河灌灌數月而齊王成都河開義安同會誅倫案成

都西藩而在鄴故曰獸從北來齊東藩而在許故曰龍從南

來河間水源而在關中故曰水從西來齊留輔政居于宮西

又有無君心故言登城看也

太安中童謠曰五馬游渡江一馬化為龍後中原大亂宗藩多絕

唯琅邪汝南西陽南頓彭城同至江東而元帝嗣統矣司馬

越還洛有童謠曰洛中大鼠長尺二若不早去大狗至及苟

晞將破汲桑又謠曰元超兄弟大落度上桑打樵為苟作由

是越惡晞奪其兖州隙難逐構焉

愍帝初有童謠曰天子何在豆田中至建興四年帝降劉曜在城

東豆田壁中

建興中江南謠歌曰旬呼宏反如白坑破合集持作甄音武揚州破換

敗吳興覆詭音甄案白者晉行坑器有口屬瓮瓦瓮質

物是也

亦復無聊生哀帝尋崩升平五年而穆帝崩不滿斗升平不
至十年也

海西公太和中百姓歌曰青青御路揚白馬紫遊韁汝非皇太子
那得甘露漿識者曰白者金行馬者國族紫為奪正之色明

以紫間朱也海西公尋廢其三子並非海西公太子縊一賜
以馬韁君良反死之明日南方獻甘露焉

大和末童謠去犁牛耕御路白門種小麥及海西公被廢百姓耕
其門以種小麥遂如謠言

海西公初生皇子百姓歌云鳳凰生一雛天下莫不喜本言是馬
駒今定成龍子其歌甚美其旨甚微海西公不男使左右向
龍與內侍接生子以為己子

楊州大佛來上明頃之而桓石民死王忱子曲中又曰黃曇
子乃是王忱字也忱小字佛大是大佛來上明也

孝武帝太元末京口謠曰黃雌雞莫作雄父啼一旦去毛衣衣被
拉颯上盧合反下蘇合反捫尋而玉恭起兵誅王國寶旋為劉牢之所
敗故言拉颯也

會稽王道子於東府造土山名曰靈秀山無幾而孫恩作亂再踐
會稽會稽道子所封靈秀恩之字也

庾楷鎮歷陽百姓歌由重羅黎重羅黎使君南上無還時後楷卒
又殷仲堪在荊州童謠曰芒龍目繩縛腹殷當敗桓當復未
幾而仲堪敗桓玄遂有荊州

王恭鎮荊中舉兵誅王國寶百姓謠去昔年食白飯今年食麥麩
音天公誅譏汝教汝捨乃可龍猴龍猴喝於介反復喝京口

敗復敗識者曰昔年食白飯言得志也今年食麥粳疑麤穢其精已去明將敗也夫公將加譴謫而誅之也捨龍疾氣不通死之祥也敗復敗丁寧之辭也恭尋死京都又大行欬疾而喉並喝焉

王恭在京口百姓間忽云黃頭小兒欲作賊阿公在城下指縛得又云黃頭小人欲作亂賴得金刀作蕃杆黃字上恭字頭也小人恭字下也尋如謠言者焉

安帝隆安中百姓忽作懊懷上烏活反下奴浩反之歌其曲曰草生可攬結女兒可攬擷尋而桓玄篡位義旗以三月二日掃定京都誅之玄之宮女及逆黨之家子女妓妾悉為軍賞東及歐越北流淮泗皆人有所獲故言時則草可結事則女可擷也桓玄既篡童謠曰草生及馬腹馬喙反丁庸桓玄目及玄敗走至江陵時正五月中誅如其期焉

安帝義熙初童謠曰官家養蘆化為荻徒歷反蘆生不止自成積其時官養蘆龍寵以金紫奉以名州養之極也而龍不能懷我好音舉兵內伐遂成讎敵也蘆生不止自成積及蘆龍之敗斬伐其黨猶如草木以成積也蘆龍據廣州人為之謠曰蘆生漫漫竟天半後擁上流敷州之地內逼京輦應天半之言義熙三年小兒相逢於道輒舉其兩手曰蘆健健次曰闢嘆闢嘆未曰翁年老翁年老當時莫知所謂其後蘆龍內逼舟艦胡反蓋川健健之謂也既至查浦屢起期欲與宮闈闢嘆之應也

昔温嶠令郭景純上巳與庾亮吉凶景純云元吉嶠語亮曰景純每筮是不敢盡言吾等與國家同安危而曰元吉是事有成

也於是協同討滅王敦翁年老群公有期願之慶知妖逆之徒自然消殄也其時復有謠言曰盧橙橙直耕反逐水流東風忽如起那得入石頭盧龍果敗不得入石頭也

符生時長安謠曰東海大魚化為龍男便為王女為公問在何所洛門東生誅其侍中太師魚遵及其子孫後符堅殺生而代之堅封東海特為龍驤將軍第在洛門東

符堅初童謠曰阿堅牽連三十年後若欲敗時當在江湖邊及堅在位凡三十年敗於淝水是其應也又謠語云河水清復清符詔死新城及堅為姚萇所殺於新城復謠歌云魚羊田斗當滅秦識者以當魚羊鮮也曰斗旦也堅自號秦言滅之者鮮車也其群臣諫堅令盡誅鮮卑不從及淮南敗還初為慕容冲所攻卒為姚萇所殺

梁武帝天監三年六月八日**武帝**講於重雲殿沙門誌公忽然憊歌樂須臾悲泣因賦五言詩樂哉三十餘悲哉五十裏但看八十三子地祇災起佞臣作欺妄賊臣滅君子若不信吾語龍時侯賊起且至馬中間銜悲不見喜梁自天監至於大同三十餘年江表無事至太清二年臺城陷帝享國四十八年所言五十裏也太清元年八月十三而侯景自懸瓠來降在丹陽之北子地帝惑朱异之言以納景景之作亂始自戊辰之歲至午年帝憂崩

十年四月八日誌公於大會中又作詩曰兀尾狗子始著狂欲死不死齧人傷須臾之間自誠亡患在汝陰死三湘橫尸一旦無人藏侯景小字狗子初自懸瓠來降懸瓠則古之汝南也巴陵南有地名王湘即景奔敗之所

天監中茅山隱士陶弘景為五言詩曰夷甫任散誕平叔坐談空
不言昭陽殿忽作單于宮及大同之季公卿唯以談玄為務
夷甫平叔朝賢也侯景作亂遂居昭陽殿

大同中童謡曰青絲白馬壽陽來其後侯景破丹陽乘白馬以青
絲為羈勒

陳初有童謡曰黃班青驄馬發自壽陽浹夾時冬氣末云日春風
始其後陳主果為韓擒虎所敗擒本名擒獸黃班之謂也破
建康之始復乘青驄馬往反時節皆相應

陳時江南盛歌王獻之桃葉之詞桃葉復桃葉度江不用楫但度
無所苦我自迎接汝晉王伐陳之始置營桃葉山下及韓擒
虎渡江大將任蠻奴至新林以道北軍之應

隋師所虜

陳後主造齊雲觀國人歌之曰齊雲觀冠來無際畔功未畢而為

禎明初後主作新歌詞甚哀怨令後宮美人習而歌之其辭曰玉

樹後庭花花開不復久時人以歌識此其不久兆也後主在

東宮時有婦人突入唱曰畢國王有鳥一足集其殿庭以背

畫地成文曰獨足上高臺盛草變為灰欲知我家處朱門當

水開解者以為獨足者蓋指後主獨行無衆盛草言荒穢隋

承火運草得火而灰及至京師與家屬館於都水臺所謂上

高臺當水也其言皆驗梁末童謡云可憐巴馬子一日行

千里不見馬上郎但見黃塵起黃塵汗人衣皂莢相料理王

僧辨滅群臣以謡言奏聞曰僧辨本乘巴馬以擊侯景馬上

郎王字也塵謂陳也而不解皂莢之謂既而陳滅於隋說者

謂江東謂殺羊角為皂莢隋氏姓楊楊羊也言終滅於隋云

齊神武始移都於鄴時有童謠云可憐青雀子飛入鄴城裏作窠猶未成舉頭失鄉里寄書與婦母好看新婦子魏孝靜帝者清河王之子也后則神武之女鄴都宮室未備即逢禪代作窠未成之効也孝靜尋崩文宣以后為太原長公王降於楊愔時婁后尚在故言寄書於婦母新婦子片后也

武定中有童謠云百尺高竿摧折水裏燃燈澄滅高者齊姓也澄文襄名五年神武崩摧折之應七年文襄遇盜所害澄滅之徵也

天保中陸法和入國書其屋壁曰十年天子為尚可百日天子為如火周年天子迭代坐時文軍帝享國十年而崩廢帝嗣立百餘日用替厥位孝昭即位十年而崩此其効也 又童謠曰一束藁兩頭然河邊殺雞飛上天藁然兩頭於文為高河邊殺雞為水邊洋指文宣明也

武平元年童謠曰狐截尾你欲除我我除你其年四月隴東王胡長仁謀遣刺客殺和士開事露返為士開所譖死

二年童謠曰和士開七月三十日將你向南臺小兒唱訖一時拍手云殺却至七月二十五日御史中丞琅邪王儼執士開送於南臺而斬之是歲又有童謠曰七月刈禾傷旱九月喫饑正好十月洗蕩飯釜十一月出却趙老七月士開被誅九月琅邪主遇害十一月趙彥深出為西兗州刺史

武平末童謠曰黃花勢欲落清罇但滿酌時穆后母子淫僻干預朝政時人患之穆后小字黃花尋逢齊亡欲落之應也

鄴中又有童謠曰金作掃帚玉作把淨掃殿屋迎西家末幾周師入鄴

周初有童謠曰白楊樹頭金雞鳴祇有阿舅無外甥靜帝隋氏之甥既遜位而崩諸舅彊盛

周宣帝與宮人夜中連臂蹋蹄而歌曰自知身命促把燭夜行遊帝即位二年而崩

隋開皇十年高祖幸并州宴秦孝王及王子相帝為四言詩曰紅顏詎幾玉貌須臾一朝花落白髮難除明年後歲誰有誰無明年而子相卒十八年而秦孝王薨

大業十一年煬帝自京師如東都至長樂宮飲酒大醉因賦五言詩其卒章曰徒有歸飛心無復因風力令美人再三吟詠帝泣下露襟侍御者莫不和歔帝因幸江都復作五言詩曰求歸不得去真成遣箇春鳥聲爭勸酒梅花笑殺人帝以三月被弒即遭秦之應也是年盜賊蜂起道路隔絕帝懼遂無還心帝復夢二豎子歌曰住亦死去亦死未若乘舸慶江水由是築宮丹陽將居焉功未就而帝被殺

大業中童謠曰桃李子鳴鶴遶陽山宛轉花林裏莫浪語誰道許其後李密坐楊玄感之逆為吏所拘在路逃叛潛結群盜自陽城山而來襲破洛口倉後復屯兵苑內莫浪語密也宇文化及自號許國尋亦破城誰道許者蓋驚疑之辭也

唐寶曆德未敗時有謠曰且入牛口勢不得久貞觀十四年交河道行軍大摠管侯君集伐高昌先是其國中有童謠曰高昌兵馬如霜雪漢家兵馬如日月日月照霜雪回首自消滅求微後民歌武媚娘曲調露初京城民謠有側堂堂之言太常丞李嗣真曰側者不正撓者不安自隋以來樂府有堂堂曲再言堂者唐再受命之象永淳九年七月東都大雨

人多游碣先是童謡曰新禾不入箱新麥不入場迨及八九月狗吠空垣墻高宗自謂露中欲封嵩山屬突厥叛而止後又欲封以吐蕃入寇遂停時童謡曰嵩山凡幾層不畏登不得但恐不得登三度徵兵馬傍道打騰騰 永徵末里歌有桑條韋也女時韋也樂龍朔中時人飲酒令曰子母相去離連臺拗倒俗謂杯盤為子母又名盤為臺又里歌有突厥鹽永淳後民歌曰楊柳漫頭駝垂拱後東却有契苾兒歌皆涉豔之詞契苾張易之小字也 如意初里歌曰黃麇黃麇草裏藏彎考射爾傷其後王孝傑則於黃麇谷 神龍以後民謡曰山南烏鵲窠山北金駱駝鑿柯不鑿孔斧子不施柯山南唐也烏鵲窠者人居窠也山北胡也金駱駝者虜獲而重載也 安樂公主於洛州造安樂寺童謡曰可憐安樂寺了

了樹頭懸景龍中民謡曰黃特犢子挽紉斷兩足踏地輾斷城南黃特犢子韋又有阿緯娘歌時又謡曰可憐聖蓋寺身著綠毛衣牽來河裏飲踏殺鯉魚兒 玄宗在潞州有童謡曰半頭山北作朝堂 天寶中有術士李遐周於玄都觀院廡間為詩曰燕市人皆去函關馬不歸人逢山下鬼環上繫羅衣而人皆不悟近詩妖也 又祿山未反時童謡曰燕燕飛上天天上女兒鋪白氍毹上有千錢時幽州又有謡曰舊來誇載竿今日不堪看但看五月裏清水河邊見契丹 德宗時或為詩曰此水連涇水雙眸血滿川青牛逐朱虎方號太平年近詩妖也 朱泚未敗前兩月有童謡曰一隻筋兩頭朱五六月化為胆 元和初童謡曰打麥打麥三三三乃轉身曰舞了也 大中末京師小兒疊布漬水紐之向日

謂之曰拔暈咸通七年童謠曰草青青被嚴霜鵲始後看顛
狂十四年成都童謠曰咸通癸巳出無所之蛇去馬來道
路稍開頭無片瓦地有殘灰是歲歲陰在巳明年在午巳蛇
也午馬也（僖宗時童謠曰金色蝦蟆爭弩眼翻却曹州天
下反乾符六年童謠曰八月無霜寒草青將軍騎馬出空
城漢家天下西巡狩猶向江東更索兵中和初童謠曰黃
巢走泰山東死後翁家翁

（宋皇祐中廣源蠻首儂智高反陷邕州時謠言曰農家種糴家收
後宣徽使狄青討平之

紹興中鼎澧劇盜夏誠劉衡二砦據險不可破二盜有口占末云
除是飛過洞庭湖後卒為岳飛所破

二年李綱帥長沙道過建寧有僧宗本題于邑治之壁曰東燒西
燒日月七七後數日江西盜李敦仁入境焚其邑乃七月七
日也

二十五年秦熈謁告建康游茅山題詩板揭于華陽觀梁間是
晚視之其側隱隱有白字可識末云榮華富貴三春夢顏色
馨香一土堆是冬檜死

淳熙中河決入汴梁宋間為之語曰黃河災天水來天水國姓也
遺黎以為恢復之兆時淮西競歌汪秀才曲曰騎驢渡江過
江不得又為獠舞以和之後舒城狂生汪格謀不軌州兵入
其家縛之其子拒殺聚惡少數千為亂聲言渡江事平格亦
伏誅

七年正月行都餘杭門外墻壁有詩言曰頗滋恠後廉得主名杖
遣之主管城北廂劉君暨以失察異言坐削秩其詩不錄

淳熙十四年都城市井歌曰汝亦不來我家我亦不來汝家流傳

四方莫詳其指過紹熙二三年其事始應于兩宮

紹熙三年都城市井有取程頤語錄語雜以穢褻盛行于市朝廷知而禁之後三年偽學之禍乃作

嘉定三年都城市井作歌詞末皆曰東君去後花無主朝廷惡而禁之未幾景獻太子薨 淳熙末上以恢復之占訪丁汝衣

道人何者何授以歌詞末云胡孫死鬧啾啾也須還我一

州後金首葛王死其孫璟立不以序諸酋爭立內亂志士以撫機為惜 慶元四年三月甲辰有郵筒置詩謠達御前者

上諭宰臣究其事詩亦不錄 嘉泰四年越人盛歌鉄彈子白塔湖曲是冬有盜金十一者號鉄彈子聚衆剽掠不可制

賊黨稍平謬傳其聞死白塔湖中帥臣以聞後覆出獲之謂蟹湖始就僭開禧二年鄂州民詣塞上將軍少城南從事宣威不可問恢復竟如何時權臣開邊鄂為宣撫使置司多辟親故幕賓聚城南為酣縱云

文獻通考卷之三百九

物異考

鄧陽 馬 端臨 貴與 著

物異考

訛言

漢成帝建始三年十月丁未京師相驚言大水至渭水虜上小女
 陳持弓年九歲師古曰虜上地名也音斯走入橫城門入未央宮尚方掖門殿
 門內諸衛戶者莫見至旬有禁中而覺得師古曰旬有少府之署覺得事覺而見執
 也民以水相驚者陰氣盛也小女而入宮殿中者下人將因女寵
 宮室之象也名曰持弓有似周家繫弧之祥易曰弧矢之利以威
 天下師古曰下繫之辭也是時帝母王太后弟鳳始為上將秉國政天知其
 後將威天下而入宮室故象先見也其後王氏兄弟父子五侯秉
 權至莽卒篡天下蓋陳氏之後云京房易傳曰妖言動衆茲謂不

信路將亡人司馬死

成帝綏和二年八月庚申鄭通里男子王褒師古曰鄭通里衣絳衣小

冠帶欽之北司馬門殿東門師古曰入殿之東門也上前殿入非常

室中如淳曰殿解帷組結佩之師古曰組綴類所以繫帷招前殿

署長業等曰天帝令我居此業等收縛拷問寢故公車大誰卒應

曰在司馬殿門掌謹阿者也服虔曰衛士之師也著樊噲冠師古

曰大誰者主問非常之人云姓各是誰也而應氏乃以謹謹為義

云大誰呵不當厥理後之學者輒改此書誰字為謹達本文矣大

誰本以誰何稱因用各官有大誰長今此卒者長所領士卒也

病狂易師古曰謂病狂不自知入宮狀下獄死是時王莽為大司

馬哀帝即位莽乞骸骨就第天知其必不退故因是而見象也姓

名章服甚明徑上前殿路寢入室取組而佩之稱天帝命然時人

莫察後莽就國天下寃之哀帝徵莽還京師明年帝崩莽復大司

馬因是而篡國

哀帝建平四年正月民驚走持橐或擲一枚如淳曰擲也音工

老反揚音勳傳相付與曰行詔籌道中相過逢多至千數或被髮

徒踐師古曰徒踐或夜行關或踰墻入或乘車騎奔馳以置驛傳

行經歷郡國二十六至京師其夏京師郡國民聚會里巷阡陌設

張傳具師古曰傳歌舞祠西王母又傳書曰毋告百姓佩此書者

不死不信我言視門樞下當有白髮師古曰樞門翁所由至秋

時帝祖母傳太后驕與政事師古曰與故杜鄴對曰春秋灾異以

指象為言語籌所以紀數民陰水類也水以東流為順走而西行

反類逆上象數度放溢妄以相予遠竹民之心也西王母婦人之

稱傳弄男子之事於街巷阡陌明離闈內師古曰闈門也音魚列反與疆外

師古曰與臨事盤樂炕陽之意白髮衰年之象體尊性弱難理易

亂門人之所由樞其要也居人之所由制持其要也其明甚著今

外家丁傳並侍帷幄布於列位有罪惡者不坐辜罰亡功能者畢
 受官爵皇甫三桓詩人所刺春秋所譏亡以甚此師古曰皇甫周
 事見小雅十月之交篇指象昭昭以覺聖朝奈何不應後哀帝
崩成帝母王太后臨朝王莽為大司馬誅滅丁傳一曰丁傳所亂
 者小此異乃王太后莽之應云

按訛言惟唐史志置之詩妖之後諸史皆無之惟錯見於
 言不從及人病條下今撮取其語言之妖異類世俗所謂
 語讖者立訛言一門云

王莽始建國元年長安狂女子碧呼道中碧女子名也曰高皇帝大怒
 趣歸我國不者九月必殺汝莽收捕殺之

二年十一月立國將軍建奏今月癸酉不知何一男子遮臣建車
 前自稱漢氏劉子輿成帝下妻子也下妻簡劉氏當復趣空宮前
收繫男子即常安姓武字仲大逆無道請論如法天鳳元年

民訛言黃龍墮死黃山宮中百姓奔走往觀者有萬數葬惡之師
曰莽自謂黃捕繫問語所從起不能得德改惡此妖

後漢安帝永初元年十一月民訛言相鸞司隸并冀州民人流移
 時鄧太后專政婦人以順為道夫死從子今專王事此不從而借
 也

靈帝熹平二年六月雒陽民訛言虎賁寺東壁中有黃人形容鬚
 眉良是觀者數萬省中悉道路斷絕到中元元年二月張角兄弟
 起兵冀州自號黃天三十六方四面出師將帥星布吏士外屬因
 其疲餒幸而勝之 光和元年五月壬午何人白衣欲入德陽門
 辭我梁伯夏教上殿為天子中黃門栢賢等呼門吏僕射欲收縛
 須臾還走求索不得不知姓名蔡邕以為類成帝時男子王褒入

宮事以往况今將有狂狡之人欲為王氏之謀其事不成其後張
角稱黃天作亂竟破壞應劭曰尚書春秋左傳伯益佐禹治水封
於梁翬叔安有裔子曰董父帝舜賜姓董氏董氏之祖與梁同焉
其後董卓自外入廢帝殺后梁大安定而卓隴西人俱涼州也袁
山松曰張角一時狡亂不足致此大異斯乃曹氏滅漢之證梁即
魏地之名伯夏明於中夏非溥天之稱後王嗣位譙周曰先王
諱備其訓具也後王諱禪其訓授也若言劉已具矣當授與人甚
於曹魏侯漢靈帝命子之祥也果亡

魏齊王嘉平中東郡有訛言云白馬河出妖馬夜過官牧邊嗚呼
衆馬皆應明日言其跡大如斛行數里還入河苑王彪本封白馬
兖州刺史令狐愚與王凌謀共立之事泄俱死

晉惠帝永寧初齊王閔昌義兵誅亂逆乘輿反正忽有婦人詣大
司馬門求寄產門者詰之婦曰我截臍便去耳其後閔果斬戮
永寧元年十二月甲子有白頭公入齊王閔大司馬府大呼曰有
大兵起不出甲子旬間殺之明年十二月戊辰閔敗即甲子旬也
大安元年四月癸酉有人自雲龍門入殿前北面再拜曰我當作
中書監即收斬之于寶以為禁庭尊祕之處今賤人逕入而門殿
不覺者宮室將虛而下人踰之妖也是後帝北遷鄴又遷長安宮
闕遂空焉

元帝永昌二年大將軍王敦下據姑孰百姓訛言蟲病食人大孔
數日入腹入腹則死療之有方當得白犬膽以為藥自淮泗遂及
京都數日之門百姓驚擾人人皆自云已得蟲病又云始在外時
當燒鐵以灼之於是翕然被燒灼者十七八矣而白犬暴貴至相
請奪其價十倍或有自云能行燒鐵灼者賃灼百姓日得五六萬

宋史卷之三十三 初異考 四

懋而後已四五日漸靜說曰夫裸蟲人類而人為之主今云蟲食人言本同臭類而相殘賊也自下而上明其逆也必入腹者言害由中出不由外也犬有守衛之性白者金色而膽用武之主也帝王之運王霸會於戊戌主用兵金者晉行火燒鐵以療疾者必去其類而來火與金合德共除蟲害也按中興之際大將軍本以腹心受伊呂之任而元帝末年遂改京邑明帝諒闇又有異謀是以下逆上腹心內爛也及錢鳳沈充等逆兵四合而為王師所挫踰月而不能濟水北中郎劉遐及淮陵內史蘇峻率淮泗之衆以救朝廷故其誦言首作於淮泗也朝廷卒以弱制彊罪人授首是用白犬膽可救之效也

海西公時庾晞四五年中喜為挽歌自持大鈴為唱使左右齊和又譙會輒令倡伎作新安人歌舞離別之辭其聲悲切時人怪之

後亦果敗

太元中小兒以兩鐵相打於土中名曰鬪族後王國寶王孝伯一姓之中自相攻擊也

桓玄初改年為大事選譙音言曰二月了故義謀以仲春發也玄篡立又改年為建始以與趙王倫同又易永始始復是王莽受封之年也符堅時有人於明光殿大呼曰甲申乙酉魚羊食人悲哉無復遺堅命執之俄而不見秘書監朱彤等因請誅鮮卑堅不從也

宋明帝時訛言東城天子出其後建安王休仁鎮東府帝懼殺休仁而常閉東府不居明帝又屢幸改代作伐以厭王氣又使子安成王代之及蒼梧王敗安成王代立咸言為驗術數者推齊高祖舊居武進東城村東城之言其在此也

齊武帝時文惠太子立樓館於鍾山下號曰東田太子屢游幸之
東田反語為顛童也武帝又於青溪立宮號曰舊宮反之窮廐也
至鬱林王果以輕狡而至於窮又武帝時小史姓皇名太子武帝
曰皇太子非名之謂於是移黜於外易名犬子處士何點曰太子
者天地之所懸三才之所繫今化而為犬不得立矣既而文惠太
子薨鬱林海陵相繼廢黜此其驗也文惠太子與才人共賦七
言詩句後輒云愁和帝至東昏以暴昏殞南康王寶融即位禪于
梁武帝天監十三年六月都下訛言有振振取人肝肺及血以飴

天狗百姓大懼二旬而止

大通五年十二月都下訛言天子取人肝以飴天狗大小相警日
晚便閉門持杖數月乃止

武陵王紀僭帝位建元曰天正永豐侯蕭撫曰王不克矣昔桓玄
年號大亨有識者以為二月了而玄之敗實在仲春今日天正正
之為文一止其能久乎果一年而敗

陳後主時諸省官人多稱省主北齊末亦有此稱識者以為主將
見省之兆未幾國亡

後齊文宣帝太子殷當冠詔令邢子才為制字子才字之曰正道
帝曰正一止也吾兒其替乎子才請改帝不許曰天也後卒為常
山王所廢殺

武成河清三年晉陽訛言有鬼兵百姓競擊銅鐵以捍之

後主武平七年為周師所敗走至鄴自稱太上皇傳位太子怳改
元隆化時人離合其字曰降死竟降周而死

周武帝改元為宣政梁王蕭歸離合其字為宇文亡日其年六月

帝崩

隋開皇初梁王蕭瑄改元廣運江陵父老相謂曰運之為字軍走也吾君當為軍所走乎後瑄朝京師被拘留不反梁國遂廢

文帝名皇太子曰勇晉王曰英秦王曰俊蜀王曰秀開皇初有人上書言勇者一夫之用又千人之秀為英萬人之秀為俊斯乃布衣之美稱非帝王之嘉名也帝不省時人呼楊姓多為羸者或言於上曰楊英反為羸朕帝不憚遽改之其後勇俊秀皆被廢黜煬帝終失天下為楊氏之殃

煬帝改元大業識者惡之曰於字離合為大苦末也尋而天下喪亂率土遺茶炭之酷

唐貞觀十七年七月民訛言官遣張棖殺人以祭天狗云其來也身衣狗皮鐵爪每於閭中取人心肝而去於是更相震怖每夜驚擾皆引弓劍自防無兵器者剡竹為之郊外不敢獨行太宗惡之今通夜開諸坊門宣旨慰諭月餘乃止武后時民飲酒謳歌曲終而不盡者謂之族鹽

開元二十七年十月改作東都明堂訛言官取小兒埋明堂下以為厭勝村野兒童藏於山谷都城騷然或言兵至玄宗惡之遣使慰諭久之乃止

天寶三載二月辛亥有星如月墜于東南墜後有聲京師訛言官遣張棖捕人取肝以祭天狗人頗恐懼畿內尤甚遣使安諭之與貞觀十七年占同

天寶後詩人多為憂苦流寓之思及寄興于江湖僧寺而樂曲亦多以邊地為名有伊州甘州涼州等至其曲遍繁聲皆謂之入破又有胡旋舞本出康居以旋轉便捷為巧時又尚之破者盡破碎

建中三年秋江淮訛言有毛人食其心人情大恐朱泚既僭號名其舊第曰潛龍宮移內府珍貨以實之占者以為易稱潛龍勿用此敗祥也

大和九年京師訛言鄭注為上合金丹生取小兒心肝密旨捕小兒無筭往往陰相告曰某處失幾兒矣方士言金丹可致神仙蓋誕妄不經之語或信而服之則發熱多死如其所戒云小兒無辜者取其心肝將有殺戮象 劉從諫未死時潞州有狂人折腰於市曰石雄七千人至矣從諫捕斬之

咸通十四年秋成勣訛言有狻母鬼夜入人家民皆恐夜則聚坐或曰某家見鬼眼晃然如燈燭民益懼 黃巢未入京師時都人以黃米及黑豆胥蒸食之謂之黃賊打黑賊 僖宗時里巷鬪者激怒言任見右廟天子

晉天福中兩浙兒童聚戲率以趙字為語助如言得曰趙得可曰趙可自是一國之人語言無不以趙字燕之者及晉末趙延壽貴盛浙人謂必應讖後延壽為北虜所繫而謠言益盛泊趙太祖受禪始悟焉 天福末宣州太平縣掘地得石記云天子冀州人時李景據江表名其子曰冀欲以當之及太祖開統方悟冀州趙地也開運末宋州宋城縣有異僧常挾彈持銅丸走榛莽中如飛指其地曰不二十年當有帝王由此建號

後周顯德六年二月癸巳有一人敝衣冠闖入中書亦政事堂據床而坐堂吏叱之曰何人遣爾至此其人曰宋州官家教我來此吏具白其事於宰臣宰臣密令遣之尋不知所適其年六月十九日世宗崩明年正月四日大宋受命

荆南高從誨鑿池於山亭下得石匣長尺餘高鑄甚固從誨神之
之弄左右焚香啓匣中得石有文云此去遇龍即歇及建隆中
從誨孫繼冲入朝改鎮徐州龍隆音相近 (周廣順初江南伏
龜山圮得石函長二尺廣八寸中有鐵銘云維天監十四年秋
八月葬寶公于銘背有引曰寶公嘗為此偈大書于板曰巾冢
之人欲讀者必施數錢乃得讀訖即冢之是時名臣陸倕王筠
姚察而下皆莫知其旨或問之去在五百年後至卒乃鑄其偈
同葬焉銘曰莫問江南事江南自有憑乘鷄登寶位跨犬出金
陵子建司南位安仁秉夜燈東隣家道闕隨虎遇明與其字皆
小篆體勢完具徐鉉徐鉉韓熙載皆不能解及溫歸朝好事者
云煜以丁酉年生辛酉年襲位即雞也開寶八年中戊江南國
滅是跨犬也當王師圍其城而曹彬營其南是子建司南位也
潘美營其北是安仁秉夜燈也其後太平興國戊寅歲淮海王

錢俶舉國入覲即東隣也家道闕者意無錢也隨虎戊寅年也
(宋)建隆中京師士庶及樂工少年競留歌曰三來子聲調清逸徧
于里巷自建隆至開寶凡平荆湖廣江南五國而中原混一矣
時西川孟昶賦斂無度射利之家配率尤甚既乏緡錢唯仰在質
物乃競書簡札揭于門曰今召王收贖又每歲除日命翰林為詞
題桃符正旦置寢門左右未年學士辛寅遜撰詞昶以其非工自
命筆題新年納餘慶嘉節號長春昶以其年正月十一日降王師
即命呂餘慶知成都府而長春乃 (太祖)誕聖節名也召與趙贖
與蜀同音

開寶初廣南劉鋹令民家置貯水桶號防火大桶又鋹末年童謡
曰羊頭二四白天雨至後王師以辛未年二月四日擒鋹識者以

為國家以火德王房為宋分羊未神也兩者王師如時雨之義也防與房桶與統同音

太平興國中京師童兒以木雕合子中有竅藏掖下感之有聲號為掖底鬧後盧多遜有罪投荒人以為讖其在肘掖而干國典也雍熙中京師人破竹為細縷以五色紙為胡蝶綴其杪兩兩相對手燃之遞相飛觸謂之鬪胡蝶其後河朔頻歲用兵

天禧二年五月西京民訛言有物如烏帽夜飛入人家又變為犬狼狀攫人民多恐駭每夕重閉深處至持兵器驅逐者六月乙巳傳及京師云能食人里巷聚族環坐叫譟達曙軍營中尤甚而實無狀意其妖人所為有詔嚴捕得數輩訊之皆非

皇祐五年正月戊午狄青敗儂智高于歸仁鋪初謠言農家種糴家收至是智高果為青所破

政和七年詔修神保觀俗所謂二郎神者京師人素畏之自春及夏傾城男女負土以獻揚榜通衢云某人獻土又有飾形作魁便巡門催納土者或謂蔡京曰獻土納土非佳語也後數日有旨禁絕

宣和六年御樓觀燈時開封尹致次以彈壓於西觀下上從六宮於其上以觀天府之斷决者簾幕深密下無由知衆中忽有八躍出墨色布衣若寺僧童行狀以手畫簾出指斥語執于觀下上怒甚令中使傳旨治之簾掠亂下又加炮烙詢其誰何略不一語亦無痛楚之狀又斷其足筋俄施刀變血肉狼籍上大不悅為罷一夕之權竟不得其何人付獄蓋之

七年八月有都城東門外鬻菜夫至宣德門下忽若迷罔釋荷檐向門戟于出悖詈語且曰太祖皇帝神宗皇帝使我夾道尚且速

改也羅卒捕之下開封獄一夕方省則不知向之所為者乃於獄中盡之

建炎二年十一月駐蹕揚州郊祀後數日有狂人具衣冠執香爐携絳囊拜于行宮門外自言天遣我為官家兒書於囊紙刻於右臂皆是語鞠之不得姓名上以其狂釋不問明年二月金虜犯維揚三月有明受之變

紹興元年四月庚辰閩州有狂僧棄經哭於郡譙門曰今日佛下世且言且哭實隆祐太后上仙日云閩距行都萬里逾月而遺詔至十二月越州連有火後民訛言相驚十六日當再有火樞密院以軍法禁之乃定

淳熙十四年正月紹興府有狂人突入恩平郡王第升堂踐王座曰我太上皇孫來報訃音鞠訊終不語是冬高宗晏駕明年八月

王薨

紹熙元年三月行都市人夜以殺相驚奔避者久乃定與漢志末初民相驚同占

紹熙二年十二月庚寅昧爽成都府有人衰服入帳門大呼閩帥京鏗姓名後八年鏗薨相位蓋慶元六年前五日光宗晏駕後四日皇子冲温郊王薨時慈懿皇后梓官在殯

嘉泰二年六月故循王張俊家火後旬日市井訛言相驚有絳衣婦人為火殃下墜都民從避晝夜不遑寧處此訛言也禁之後亦不火

慶元六年十月瓊州訛言妖星流墮民舍郭七家聲如雷通守魯守瓊山縣令移文往復民獠驚喧後皆坐絀

服妖

春秋左氏傳閔公二年晉獻公使太子申生出師公衣之備衣

謂左右異色其半佩之金玦以半玦曰玦狐突歎曰時事之徵也衣身之

章也佩表之旗也旗表也衣所以明貴故敬其事則命以始賞服

服其身則衣之純色宜其用其衷則佩之度佩玉者君今命以時卒

閔其事也卒盡也閔閉也謂衣以龍服遠其躬也龍雜色謂佩以

金玦棄其衷也服以遠之時以閔之龍涼冬殺金寒玦離胡可恃

也涼薄也龍色不能純故曰薄也冬主殺氣梁餘子養曰帥師者

受命于廟受服於社有常服矣備軍常服弗獲而龍命可知也死

而不孝不如逃之罕夷曰龍奇無常金玦不復君有心矣奇奇怪

復反也金玦猶決去不復反意也有後四年申生以讒自殺近服

妖也鄭子臧好聚鷓冠鄭文公惡之使盜殺之劉向以為

近服妖也

漢昭帝時昌邑王賀遣中大夫之長安多治及注冠應劭曰今法

注者言州側立而下注也蔡邕云高九寸鐵為卷非法冠及高山

也卷音去權反以賜大臣又以冠奴劉向以為近服妖也時王賀狂悖

音布內反聞天子不豫周書顧命曰言有疾不悅豫也弋獵馳騁如故

與騶奴宰人游居娛戲驕慢不敬師古曰騶奴御也宰人主冠者

尊服奴者賤人賀無故好作非常之冠暴尊象也以冠奴者當自

至尊墜至賤也師古曰墜墮也音直類反其後帝崩無子漢大臣徵賀為嗣即

位狂亂無道縛戮諫者夏侯勝等於是大臣白皇太后廢賀為庶

人賀為王時又見大白狗冠方山冠而無尾鄧展曰方山冠以

人所此服妖亦穴既也賀以問郎中令龔遂遂曰此天戒言在不

者盡冠狗也師古曰言王左右侍側之人不識禮義若去之則存

不去則亡矣賀既廢數年宣帝封之為列侯復有罪死不得置後

物異考

又犬既無尾之效也京房易傳曰行不順厥咎人奴冠天下亂辟
無適
師古曰碎音壁適讀曰嫡妾子拜適子故也又曰君不正臣
效篡厥妖狗冠出朝門

成帝鴻嘉末始之間好為微行出游選從期門即有材力者及私
奴客多至十餘少五六人皆白衣袒憤師古曰袒憤帶持弓劍或
乘小車御者在茵上蘇林曰茵車上尊也御者錯亂更在茵上坐
茵上也或皆騎出入市里郊野遠至旁縣大臣車騎將軍王音及
劉向等數以切諫谷永諫曰陛下棄萬乘之至尊樂家人之賤事
離深宮之固挺身獨與小人晨夜相隨烏集醉飽吏民之家亂服
共坐溷肴亡別典門戶奉宿衛之臣執干戈衛空宮公卿百寮不
知陛下所在積有年矣

後漢更始諸將軍過雒陽者數千輩皆憤而衣婦人衣繡攤髮時
智者見之以為服之不中身之災也乃奔入邊郡避之是服妖也
其後更始為赤眉所殺

和帝元嘉中京都婦女作愁眉啼粧墮馬髻折腰步齧齒笑所謂
愁眉者細而曲折啼粧者薄拭目下若啼處墮馬髻者作一邊梁
別傳曰冀婦女又有不聊生髻折要步者足不在體下齧齒笑者若齒痛樂不欣
欣始自大將軍梁冀家所為京都翕然諸夏皆放效此近服妖也
梁冀二世上將嬌嬈王室大作威福將危社稷天戒若曰兵馬將
往收捕婦女憂愁蹙眉啼泣吏卒製頰折其要脊令髻傾邪雖疆
語笑無復氣味也到延熹二年舉宗誅夷

延熹中梁冀誅後京都憤顏短耳長短上長下時中常侍單超左
悺徐璜具瑗唐衡在帝左右縱其姦慝海內愠曰一將軍死五將
軍出家有數侯子弟列布州郡賓客雜襲騰翥上短下長與梁冀

同占到其八年桓帝因日蝕之變乃拜故司徒韓實為司隸校尉

以次誅鉅京都正清臣昭按本傳實誅左惟既具爰雖魁折姦首郡闕相蒙京都未為正清

延熹中京都長者皆著木屐婦女始嫁至作漆畫五采為系此服

妖也到九年黨事始發傳黃門北寺臨時惶惑不能信天任命多

有逃走不就考者九族拘繫及所過歷長少婦女皆被桎梏應木

殺之應也

靈帝建寧中京都長者皆以葦方笥為粧具下士盡然時有識者

竊言葦方笥郡國讞篋也今珍用之此天下人皆當有罪讞於理

官也到光和三年癸丑敕令詔書吏民依黨禁錮者赦除之有不

見文他以類比疑者讞於是諸有黨郡皆讞廷尉人名悉入方笥

中

靈帝好胡服胡帳胡牀胡坐胡飯胡筴篋胡笛胡舞京都貴戚皆

競為之此服妖也其後董卓多擁胡兵填塞街衢虜掠宮掖發掘

園陵靈帝於宮中西園駕四白驢躬自操轡驅馳周旋以為大樂

於是公卿貴戚轉相放效至乘輜駟以為騎從互相侵奪賈與馬

齊案易曰時乘六龍以御天行天者莫若龍行地者莫如馬詩曰

四牡騤騤載是常服檀車煌煌四牡彭彭夫驢乃服重致遠上下

山谷野人之所用耳何有帝王君子而驂服之乎遲鈍之畜而今

貴之天意若曰國且大亂賢愚倒植凡執政者皆如驢也其後董

卓陵虐王室多援邊人以充本朝胡夷兵種踏踏中國

熹平中省內冠狗帶綬以為笑樂有一狗突出走入司徒府門或

見之者莫不驚怪袁山松書曰光和四年又於西園弄狗以配人也京房易傳曰君不正

臣欲篡厥妖狗冠出後靈帝寵用群小又於西園買官天戒若曰

在位多非其人如狗而冠也

物異考

五

靈帝數遊戲於西園中令後宮采女為客舍主人身為商賈服行至舍采女下酒食因共飲食以為戲樂此服妖也其後天下大亂風俗通曰時京師實婚嘉會皆作魁擲酒酣之後續以挽歌魁擲喪家之樂挽歌執紼相偶和之者天戒若曰國家當急殄梓諸賔樂皆死也自靈帝崩後京師壞城戶有蕪屍蠱而相食魁擲挽歌斯之郊乎

獻帝建安中男子之衣好為長躬而下甚短女子好為長裙而上甚短時益州從事莫嗣以為服妖是陽無下而陰無上也天下未欲平也後還遂大亂

魏武帝以天下凶荒資財匱乏始擬古皮弁裁縑帛為白恰苦洽反以易舊服傳玄曰白乃軍容非國容也于寶以為縞素凶喪之象也名之為恰毀辱之言也蓋革代之後劫殺之妖也

魏明帝日著繡帽披縹軟紹反統半袖常以見直臣楊阜諫曰此禮何法服邪帝默然近服妖也夫縹非禮之色縹音薛服尚不以紅紫况按臣下乎人主親御非法之章所謂自作孽不可攘也帝既不

享永年身沒而祿去王室後嗣不終遂亡天下
景初元年發銅鑄為巨人二號曰翁仲置之司馬門外按古長人見為國亡長狄見臨洮為秦亡之禍始皇不悟反以為嘉祥銅鑄人以象之魏法國亡之器而於義竟無取焉蓋服妖也

尚書何晏好服婦人之服傳玄曰此服妖也夫衣裳之制所以定上下殊内外也大雅云玄衮赤鳥鈎膺鏤錫歌其文也小雅云有

嚴有翼共武之服詠其武也若内外不殊王制失叙服妖既作身隨之亡末嬉冠男子之冠桀亡天下何晏服婦人之服亦亡其家其咎均也

吳婦人脩容者急束其髮而刺音靡角過於耳蓋其俗自操東太急而廉隅失中之謂也故吳之風俗相軀以急言論彈射以刻

薄相尚孫休後衣服之制上長下短又積領五六而裳居一
二于寶曰上饒奢不儉逞上有餘下不足之妖也至孫皓果奢
暴恣情於上而百姓彫困於下卒以亡國

晉武帝泰始初衣服上儉下豐著衣者皆厭褻一宵此君衰弱臣
放縱下掩上之象也至元康末婦人出兩襠加乎交領之上此內
出外也為車乘者苟貴輕細又數變易其形皆以白篋為純蓋古
喪車之遺象也夫乘者君子之器蓋君子立心無恒事不崇實也
子寶以為晉之禍徵也及愍帝踐作權制在於寵臣下掩上之應
也至求嘉末六宮才人流冗沒於戎狄內出外之應也及天下境
亂宰輔方伯多負其任又數改易不崇實之應也秦始之後中國
相尚用胡牀胡牀及為羗煮胡多貴人富室必畜其器吉享嘉
會皆以為先

大康中又以釐為約與帕同莫格反方言帕頭也南楚江淮
也標且消反頭及絡帶袴口百姓相戲曰中國必為胡所破夫既
產於胡而天下以為胡頭帶身袴口胡既三制之矣能無
敗乎至元康中氏羗互反求嘉後劉石遂篡中都自後四夷迭據
華土是服妖之應也

初作履者婦人頭負男子頭方負者順之義所以別男女也至太
康初婦人履乃頭方與男無別此賈后專妬之徵也
太康中天下為晉世寧之舞手接杯盤而反覆之歌曰晉世寧舞
杯盤識者曰夫樂生人心所以觀事也今按杯盤於手上而反覆
之至危之事也杯盤者酒食之器而名曰晉世寧言晉世之士苟
偷於酒食之間而知不及遠晉世之寧猶杯盤之在手也
愍帝元康中婦人之飾有五兵佩又以金銀瑇瑁之屬為斧鉞戈

初作履者婦人頭方負男子頭方負者順之義所以別男女也至太

戰以當并于寶以為男女之別國之大節故服物異等寶幣不同
今婦人而以兵器為飾此婦人妖之甚者於是遂有賈后之事終
亡天下是時婦人結髮者既成以繒急束其環名曰頰胡紉子紒
如自中宮天下化之其後賈后廢害天子之應也

元康中天下始相倣為烏杖以柱掖其後稍施其鐵徒綴住則植
之夫木東方之行金之臣也杖者扶體之器烏其頭者尤便用也
必旁柱掖者旁救之象也施其金住則植之言因為金能孤立也
及懷廢之世王室多故而此中都喪敗元帝以藩臣樹德東方維
持天下柱掖之應也至社稷無主海內歸之遂承天命建都江外
獨立之應也

元康太安之間江淮之域有敗僑暗自聚于道多者至四五十量
人或散投坑谷明日視之復如故或云見裡街聚之于寶以為夫
僑者人之賤服屨于勞辱黔庶之象也故者疲弊之象道者四方
往來所以交通王命也今敗僑聚於道者象黔庶疲病將相聚為
亂以絕王命也太安中發壬午兵百姓怨叛江夏張昌唱亂荆楚
從之如流於是華兵戡起服效也

初魏造白帽橫縫其前以別後名之曰頰俗傳行之至永嘉之間
稍去其縫名無頰帽而婦人束髮其緩彌甚紒之堅不能自立髮
被于額目出而已無頰者愧之言也覆頰者慙之貌也其緩彌甚
者言天下亡禮與義放縱情性及其終極至于大恥也永嘉之後
二帝不及天下醜焉

孝懷帝永嘉中士大夫競服生篋單衣識者指之曰此則古者總
衰音諸侯所以服夫子也今無故服之殆有應乎其後遂有胡賊
之亂帝遇害焉

元帝太興中兵士以絳囊縛紒者曰紒者在首為乾君道也囊者推臣道也今以朱囊縛紒臣道上侵君之象也於是王敦陵上焉舊為羽扇柄者刻木象其骨形刻羽用十取全數也自中興初王敦南征始改為長柄下出可捉而滅其羽用八識者尤之曰夫羽扇翼之名也創為長柄者將執其柄以制羽翼也改十為八者將未備奪已備也此殆敦之擅權以制朝廷之柄又將以無德之材欲竊非據也是為衣者又上矩帶纏至于掖著帽者又以帶縛項下逼上上無地也為袴者直幅為口無殺下大之象尋而王敦謀逆再攻京師

海西嗣位忘設豹尾天戒若曰夫豹尾儀服之主大人所以豹變也而海西豹變之日非所宜忘而忘之非主社稷之人故忘其豹尾示不終也尋而被廢焉

考武本元中人不得著帽反頭天戒若曰頭者元首帽者助元首為儀飾者也今忽廢之若人君獨立無輔佐以至危亡也至安帝桓玄乃篡位焉

舊為髮者齒皆連梳扶然反上名曰露如太元中忽不微名曰陰如識者以為知謀也必有陰謀之事至烈宗末驃騎參軍袁悅之始攬攝內外隆安中遂謀誅相傾以致大亂

太元中公主婦女必緩髮似髻反以為盛飾用髮皮義反既多不可恒戴乃先於木及籠上裝之名曰假髻或名假頭至於貧家不能自辨自號無頭就人借頭遂布天下亦服妖也無幾時孝武晏駕而天下騷動形戮無數多喪其元至於大殮力驗反皆刻木及臘或縛菰華為頭是假頭之應云

桓玄篡立殿上施絳帳鑊黃金為顏四角金龍銜五色羽葆音流

蘇群不相謂曰頗類輻而車尋而玄敗此服之妖也

晉末皆冠小而衣裳博大風流相放輿臺成俗識者曰上小而下大此禪代之象也尋而宋受終焉

齊武帝永明中百姓忽著破後帽始自建業流于四遠貴賤翕然服之此服妖也帽自蕭譙之家其流遂遠天意若曰武穆文昭皆當滅而譙亦誅死之效焉又武帝時以燕支為朱衣朝士皆服之及明帝以宗子入篡此又奪朱之效也時又多以生紵為帽半其袞而折之號曰倚勸先是人問語好云擾攘建武至是朝士勸進實為忽遽倚勸擾攘之言驗 東昏時百姓皆著下至白紵帽而反裙覆頂東昏曰裙應在下今更在上不祥命斷之於是百姓皆反裙向下此服妖也帽者首之所寄今而向下天意若曰元首方為覆賊乎東昏又令左右作逐鹿帽形甚笨然後果有逐鹿之事

東昏宮裏又作散叛髮反髻根向後百姓爭學之及東昏狂惑天下散叛矣東昏又與群小別立帽騫其口而舒兩翅名曰鳳度三橋帶向後總而結之名曰反縛黃麗東昏與刀敕之徒親自著之皆用金寶鑿以璧瑤又作著調帽鏤以金玉間以孔翠此皆天意梁武帝舊宅在三橋而鳳度之名鳳翔之驗也黃麗者皇離為日而反縛之東昏戮死之應也調者梁武帝至都而風俗和調先是百姓及朝士皆以方帛填曾名曰假兩此又服妖假非正名也儲兩而假之明不得真也東昏誅其子廢為庶人假兩之意也後齊婁后卧疾寢衣無故自舉俄而后崩

文宣帝末年衣錦綺傅粉黛數為胡服微行市里粉黛者婦人之飾陽為陰事君變為臣之象也及帝崩太子嗣位被廢為濟南王又齊氏出自陰山胡服者將反初服也錦綵非帝王之法服微服

者布衣之事齊亡之效也

後主好令宮人以白越布折額狀如髻幘又為白蓋此二者喪禍之服也後主果為周武帝所滅父子同時被害

武平時後主於苑內作貧兒村親衣縑縷之服而行乞其間以為笑樂多令人服烏衣以相執縛後主果為周所敗被虜於長安而死妃后窮困至以賣燭為業又婦人背翦剔以著假髻而危邪之狀如飛鳥至於南面則髻心正西始自宮內為之被於四遠天意若曰元首翦落危測當走西也又為刀子者又背狹細名曰盡勢遊童戲者好以兩手持繩拂地而却上跳且唱曰高末高末之言蓋高氏運祚之末也

後周大象元年服冕二十四旒車服旗鼓皆以二十四為節侍衛之官服五色雜以紅紫令天下車以大木為輪不施輻朝士不得

佩綬婦人墨粧黃眉又造下帳如送終之具令五皇后各居其一賈宗廟祭器於前帝親讀版而祭之又將五輅載婦人身率左右步從又倒懸雞及碎瓦於車上觀其作聲以為笑樂皆服祆也帝尋暴崩而政由於隋周之法度皆悉改易

隋開皇中房陵王勇之在東宮及宜陽公三世積家婦人所服頭巾製同繫幘軍幟婦人為陰臣象也而服兵幟臣有兵禍之應矣勇竟廢而遇害世積坐伏誅

唐初宮人乘馬者依周舊儀著縵羅全身障蔽求徽後乃用帷帽施裙及頸頗為淺露至神龍末縵羅始絕皆婦人預事之象太尉長孫無忌以烏羊毛為渾脫氍帽人多效之謂之趙公渾脫近服妖也

高宗嘗內宴太平公主紫衫玉帶皂羅折上巾具紛礪七事歌舞

于帝前帝與武后笑曰女子不可為武官何為此裝束近服妖也
武后時嬖臣張易之為母減作七寶帳有魚龍鸞鳳之形仍為象
林犀簾

安樂公主使尚方合百鳥毛織二裘正視為一色傍視為一色日
中為一色影中為一色而百鳥之狀皆見以其一獻弄后公主又
以百獸毛為鞵面章后則集鳥毛為之皆具其鳥獸狀工費巨萬
公主初出降益州獻單絲碧羅籠裙縷金為花鳥細如絲髮大如
黍米眼鼻甲皆備瞭視者方見之皆服妖也自作毛裙貴臣富
家多效之江嶺奇禽異獸毛羽採之殆盡章后昧嘗為豹頭枕以
辟邪白澤枕以辟魅伏熊枕以宜男亦服妖也
景龍三年十一月郊祀章后為巫獻以婦人為齋娘以祭祀之服
執事近服妖也

中宗賜宰臣宗楚客等巾子樣其制高而踏即帶在藩即時冠也
故時人號英王踏踏屣也

開元二十五年正月道士尹愔為諫議大夫衣道士服視事亦服
妖也

天寶初貴族及士民好為胡服胡帽婦人則簪步搖釵衿袖窄小
楊貴妃常以假鬢為首飾而好服黃裘近服妖也時人為之語曰
義髻拋河裏黃裘逐水流

元和末婦人為圓鬟椎髻不設鬢飾不施朱粉惟以烏膏注唇狀
似悲啼者圓鬟者上不自樹也悲啼者憂恤象也

文宗時吳越間織高頭草履織如綾縠前代所無履下物也織草
為之又非正服而被以文飾蓋陰斜闌茸泰侈之象

乾符五年雒陽人為帽皆冠軍士所冠者又內臣有刻木象頭以

褻僕頭百官效之工門如市度木斫之曰此所尚書頭此斫將軍頭此斫軍容頭近服妖也

禧宗時內人束髮極急及在城都蜀婦人效之時謂為囚髻唐末京都婦人梳髮以兩鬢抱面狀如推髻時謂之拋家髻又世俗尚以琉璃為釵釧近服妖也拋家流離皆播遷之兆去

昭宗時十六宅諸王以華侈相尚巾幘各自為制度都人倣之則曰為我作某王頭識者以為不祥

蜀王衍晚年俗競為小帽僅覆其頂俛首即墮謂之危腦帽衍以為不祥禁之而行好戴大帽每微服出游民間以大帽識之因令國中皆戴大帽又好裹尖巾其狀如錐而後宮皆戴金蓮花冠衣道士服酒酣免冠其髻髻然更施朱粉號醉粧國人皆效之

宋太祖建隆初時當蜀孟昶末年婦女競治髮為高髻號朝天髻未幾昶入朝京師江南李煜末年有衛士秦文登壽昌堂榻覆其鞵而坐訊之風狂不寤識者云鞵有覆也其李氏將覆於此地而為秦所有乎覆與李交與有同音趙與秦同祖也又煜宮中盛雨水染淺碧為衣號天水碧未幾為王師所克士女至京師猶有服之者天水國姓之望也

淳化三年京師里巷婦人競翦黑光紙團屬又裝鑲魚腮中骨號魚媚子以飾面或曰黑水行魚水族皆陰類也而為六陽之首陰侵於陽將有災明年京師秋冬積雨衢路水深數尺

景德四年春京城小兒裂裳為小旗繫竿首相對押鮑兵聞之象也是歲宜州卒陳進為亂出師討平之

紹興二十一年行都豪貴競為小青蓋飾赤油火珠於蓋之尊出

都門外傳呼于道國朝以火德與亦火祥也又珠者乘輿服御飾

升龍用為臣庶以加于小蓋近服妖亦借各也

又都市為戲加篋巾披卧珠執籥鞭群吹鶴鳴笛撥葫蘆瑟效胡

樂胡舞長跪獻酒時狄患僅定

上念境土未復將用夏變夷命有司禁止之與漢靈帝時胡舞

天寶胡服同占皆服妖也

二十三年士庶家競以胎鹿皮製婦人冠山民採捕胎鹿無遺

胎庚子言者以暴殄傷仁遂申嚴景祐捕鹿之禁

紹興初去宣和末遠婦人服飾尚集翠羽為之與唐志百鳥毛織

裙同占二十七年交趾貢翠羽數百上命焚之通鑑至是始立

紹興元年里巷婦人初以琉璃釵為首飾唐志琉璃釵釧有流離

之兆亦服妖也後連年有饑流之厄

射妖

周宣王殺杜伯而無事後三年王會諸侯曰于圃日中起於道左

衣朱衣冠操朱弓矢射王中心折晉而崩

莊公十八年秋有蜮劉向以為蜮生南越越地多婦人男女同川

淫女為主亂氣所生故聖人名之曰蜮蜮猶惑也在水旁能射人

射人有處甚者至死以氣射南方謂之短狐即射工也近射妖死

亡之象也時晉公將娶齊之淫女故蜮至後女淫於二叔叔慶父兩

子見弑夫人亦誅劉歆以為蜮盛暑所生非自越來也京房易傳

曰忠臣進善君不試試用厥妖國生蜮哀公時有隼集陳廷而

死楛矢貫之楛木名也石砮砮錄長尺有咫陳閔公使人問仲尼

對曰隼之來也遠矣昔武王克商通道百蠻使各以方物來貢肅

慎貢楛矢肅慎東夷石砮長尺有咫先王分異姓以遠方職使母亡

服事故分陳以肅慎矢試求之故府果得之劉向以為隼近黑

射貪暴類也矢貫之近射妖也死於廷國亡表也象陳耗亂不服

事周而行貪暴將致遠夷之禍為所滅也其後陳卒為楚所滅

後漢靈帝光和中雒陽男子夜龍以弓箭射北闕吏收考問辭吞

貧負責無所聊生因買弓箭以射進射妖也風俗通曰龍從兄陽

將軍何苗與兄大將軍進部兵選相猜疑對相攻擊戰于闕下苗

死兵敗殺數千人雒陽宮室內人燒盡蜀車騎將軍鄧芝征涪

陵見玄猿緣山手射中之猿拔其箭卷木葉塞其瘡之曰嘻吾違

物之性其將死矣俄而卒此射妖也一曰猿母把子之射中之子

為拔箭取木葉塞創之歎息投弩自知當死

死左右有諫者曰馬國姓也今射之不祥於是乃止而馬已被十

許箭矣此蓋射妖也俄而禪位去

東魏武定四年後齊神武作宰親率諸軍攻西魏於玉壁其年十

一月帝不豫班師將士震懼皆曰韋孝寬以定功弩射殺丞相西

魏下令國中曰勁弩一發凶身自殞神武聞而惡之其疾暴增近

射妖也洪範五行傳曰射者兵戎禍亂之象氣逆天則禍亂將起

神武行獵中將軍曹魏諫曰王以死氣逆生氣為害不利主人則

可帝不從頃軍五旬頻戰沮衄又聽孤虛之言於城北斷汾水起

土山其處天險千餘尺功竟不就死者七萬氣逆天之咎也其年

帝崩明年王思政擾河南

武平末後主自并州還鄴至八公山嶺夜與左右歌而行有一人忽

發狂意後主以為狐媚伏草中彎弓而射之傷數人幾中後主後

發狂意後主以為狐媚伏草中彎弓而射之傷數人幾中後主後

發狂意後主以為狐媚伏草中彎弓而射之傷數人幾中後主後

發狂意後主以為狐媚伏草中彎弓而射之傷數人幾中後主後

王執而斬之其人不自覺也狐而能媚獸之妖妄也帝時不恤國政專與內人閹豎酣歌為樂或衣縑縷衣行乞為娛此妖妄之象人又射之兵戎禍亂之應也未幾而國滅

宋淳熙十四年正月閹宦競以小弓矢射於殿廡為戲已長尺餘箭繞數寸近射妖也

慶元五年諸軍器械所造筒子弩柳木牌以為戲木弩加以竹箚蔽以方布劓以角篋時朝廷遣使閱習器械射妖之戒若曰除戎器皆兒戲也後開禧卒有兵弗戢之禍



